

重脩鳳翔府志

第十册

7 3154/7282.83

CHINESE - JAPANESE LIBRARY OF  
HARVARD - YENCHING INSTITUTE

10

AT HARVARD UNIVERSITY

JUN 25 1936

Gift of

East Asiatic Society

鳳翔府志卷之十上

藝文

御製 贊 論說 甲誄

奏疏 銘 辨考 祝文

文 碑

行狀 記

議 傳

書 啓

哈佛大學哈佛燕京圖書館珍藏印

今夫山川人物風土政教雖各有可紀然非風雅不  
傳語曰言之無文行之不遠故徵文考獻尚焉鳳郡  
典策焜煌大如宸翰天章細極途歌巷議其郁郁  
彬彬足以為斯土光寵者固已極備則採而輯之惟  
擇其言尤雅者以登諸篇庶因文可以考蹟歟志藝

文

御製萬年宮碑銘序

唐高宗

朕聞金臺造造超忽崑閬之間玉闕參差綿貌蓬瀛之際是以周王肆轍唯招既往之僊漢帝遐遊空益將來之弊豈如岐陽峻阜鎮茲京甸疏林光之烈館建甘泉之離宮東望剪華千林結影西瞻隴阪派水分流南俯茶原風雲交映北臨石柱川岳朝宗迴迴孤峯秀三襲於霞表斜斜危路環九折於雲心複澗澄陰扇炎風而變冷重巒潛暑韜夏景而凝寒故知五鎮之基空號神州之地三仙之嶺虛傳靈府之都

太宗之純嘏藉爾二三大臣之弼成以致予眇躬克揚大烈

緬惟全秦黎庶莫非嘉師向因群盜縱橫迄無寧宇頻年捍禦旣竭脂膏一日染汙重遭湯火雖賊以此始必以此終要其受禍久而痛痂深未有過於秦人者矣朕執言弔伐本爲除殘旣受歸誠宜矜詿誤是用特施浩蕩咸與維新於戲慰苗民於清問鰥寡有辭恢湯網而克寬雲霓在望式諧羣志於迓

天休拯溺救焚非敢私於西土承流嚮化期共喻於多方布告臣民想宜知悉

重修鳳陽府志 卷之二  
祭告西鎮吳山文

順治八年四月初七日祭曰惟

神毓秀五峯建維三輔瞻岐帶渭育物福民朕誕膺

天命祇荷 神庥特遣專官用伸殷薦惟

神鑒焉

順治十八年八月十九日祭曰惟

神毓秀五峯建維三輔瞻岐帶渭育物福民朕誕膺

天命祇荷 神庥特遣專官用申殷薦惟 神鑒焉

康熙六年八月十七日祭曰惟

花泣韶光樹含冬暖巖留夏霜構宇重巘裁

石砌被錦山牕點繡缺小蘭新峯殘蓮舊雪經累花

冰溪恒畫標途夫外聳闕雲端烟霾濠谷霧失鳴湍

缺彤闈潛暑翠幌凝寒憇駕離宮淹留禁苑柳初眉

細潭深鏡遠蓋逐雲穿苔隨缺葉冷帷秋缺濃缺晚

泉飛嶺腹景鏤巖心霞疎錦薄草密袍深露荷傾玉

風螢散金檐空鵲靜山昏日沉邱壑怡神林篁賞性

千里眺監八州缺鏡玉燭調序薰琴動詠仰則缺山

刊規遠映

按碑字久已漫漶吳汝爲邑志謂前修志劉元洲坐卧碑下摹出之今錄之以誌來者

李晟鳳翔隴西節度兼涇原副元帥唐德宗

周之元老以分陝爲重漢之丞相以憂邊見稱故方岳克寧疆場不聳安人保大致理之端今所以重煩上台作鎮西土奉天定難功臣司徒兼中書令充神策軍節度鄜坊丹延等州觀察處置等使仍充京畿渭北鄜州華州兵馬副元帥上柱國合川郡王李晟勵清剛之操體博大之德適時道變而大節不奪虛受廣納而獨斷自明奉法以身推功以下衆無犯命

神毓秀五峯建維西隴瞻岐帶渭育物福民朕躬親政

務祇荷 神庥特遣專官用申殷薦惟 神鑒焉

康熙二十一年三月二十日祭曰惟

神凝位金天建維隴首屏翰西土配嶽稱尊朕祇承

神祐疆域蕩平特遣專官用申殷薦惟 神鑒焉

康熙二十七年十二月祭曰惟

神秀峙五峯雄標三輔襟汧帶隴配嶽西陲朕纘承祖宗丕基虔恭明祀茲以

皇祖妣孝莊仁宣誠憲恭懿翊天啟聖文皇后神主升祔

太廟禮成特遣專官用申秩祭惟 神鑒焉

康熙三十六年八月初三日祭曰惟

神秀峙五峯位尊二隴名稱喬嶽地鎮金天朕以勦除  
狡寇三履遐荒期掃邊塵乂安中外今者祇承 神  
祐塞北永清用告成功專官秩祀惟 神鑒焉

康熙四十二年四月初十日祭曰惟

神位奠金天功齊蓮嶽威靈丕赫作鎮西方朕祇承休  
命統馭寰區夙夜勤勞殫思上理歷茲四十餘載今  
者適屆五旬海宇昇平民生樂業見輿情之愛戴沛

下土之恩膏特遣專官虔申秩祀尚憑靈貺益錫蕃

禧祐我國家共登仁壽 神其鑒焉

康熙五十二年五月初十日祭曰惟

神秀秉金天功齊華嶽靈威有赫作鎮西方朕纘受鴻

圖撫臨區宇殫思上理夙夜勤求惟日孜孜不遑暇

逸茲御極五十餘年適當六旬初居所幸四方寧謐

百姓乂和稼穡歲登風雨時若維庶徵之協應爰羣

祀之虔修特遣專官式循舊典冀益贊雍熙之運尚

永貽仁壽之休俯鑒精忱用垂歆格

重修鳳翔府志 卷之十一  
康熙五十八年三月祭曰惟

神三輔稱雄五峯競秀儲精少昊作鎮奧區朕繼承

祖宗丕基虔恭明祀茲以

皇妣孝惠仁慈端懿純德順天翼聖章皇后神主升祔

太廟禮成特遣專官致祭惟 神鑒焉

雍正元年二月祭曰惟

神秀秉金天功齊華嶽靈威有赫作鎮西方朕纘受丕

基新承 景命竊念

皇考膺圖以來百靈效順四海從風坐享昇平六十餘載

茲當嗣位之始宜隆祀享之儀特遣專官虔申昭告

惟冀時和歲稔物阜民安淳風徧洽乎寰區厚德長

敷於率土尚其歆格鑒此精誠

雍正十三年十二月祭曰惟

神岐隴建維功牟泰嶽阜成庶類挺峙西陲朕纘承大

統仰紹前徽伏念

皇考臨御以來敬禮 明神肅將禋祀靈祇孚應昭受鴻

庥清晏奠安茂登上理茲當嗣位之始宜隆望秩之

儀特遣專官虔申告祭惟冀雨暘時若年穀順成萬

方蒙樂育之庥兆姓荷旃幪之德尚其歆格鑒此精誠

乾隆十三年六月祭曰惟

神雄峙二關高標五嶺尊侔華嶽秀聳西陲朕祇承神祐考禮時巡爰遣專官用申殷薦 神其鑒焉

乾隆十四年六月祭曰惟

神西隴垂庥五峯競秀侔尊二華綏奠金方茲以邊徼救寧中宮攝位

慈寧晉號慶洽神人敬遣專官用申殷薦 神其鑒焉

乾隆十五年十月祭曰惟

神西隴垂庥五峯競秀侔尊二華綏奠金方茲以正位中宮鴻儀懋舉

慈寧晉號慶洽神人敬遣專官用申殷薦 神其鑒焉

乾隆十七年二月祭曰惟

神西隴垂庥五峯競秀侔尊二華綏奠金方茲以

慈寧萬壽懋舉鴻儀敬晉

微稱神人慶洽爰申殷薦特遣專官 神其鑒焉

乾隆二十年八月祭曰惟



重修鳳翔府志 卷之十  
神宅奠三秦峻侔二華金方作鎮西徼蒙庥茲以平定  
準噶爾大功告成加上

皇太后徽號中外歡騰神人慶洽敬遣專官用申秩祭惟  
神鑒焉

乾隆二十五年正月祭曰惟

神雄鎮雍都峻標河右俯憑關隴亘接汧岐近奠全秦  
遠收絕塞茲以蕩平回部永靖西陲旣武用成普天  
禋福洗甲兵於蒲海鐫琬琰於葱山敬遣專官特將  
秩祀惟神鑒焉

乾隆二十七年三月祭曰惟

神汧隴揚靈岐雍挺秀比輝光於二華表屹峙於三秦  
功著葶收西極驗柔懷之遠位臨少昊金方昭瑞應  
之呈茲以

慈闈萬壽懋舉鴻儀敬晉

徽稱神人慶洽仰靈祇於巨鎮敬薦馨香揚淑問於流沙  
肅申殷薦尚其鑒格歆此苾芳

渭河見終南山

康熙四十二年

渭水自紆縈秦川喜清曠山勢何岩崑經過絕塵埃

馬首見層巒直插青霄上雲際有飛泉朝光明畫嶂  
 石險登臨難心寒不可量太乙本仙源天都聊騁望  
 歲歲松柏林遐睇心神暢問俗戒征途便欲慰幽訪  
 望秦隴

世遠山河在漢唐史有存風光移萬戶景物換千門  
 嘆昔當殷鑑疇今廣湛恩從來秦隴地莫使競心繁

大閱賜西鳳協副將臣康泰

南苑風高水潦收旋催羽對肅貔貅九天鼓吹鳴金  
 鐺萬乘旌旄擁翠虬馬足過一時殘雪盡巒峰迴處朔

雲浮宣威端在承平日自昔經邦有大猷

賜故右扶風尹翁歸子詔

漢宣帝

詔曰朕夙興夜寐以求賢爲右不異親踈遠近務在安民而已故尹翁歸廉平鄉正治民異等早天不遂不得終其功業朕甚憐之其賜翁歸子黃金百金以奉其祭祀

賜岐州刺史梁彥光詔

隋文帝

詔曰賞以勸善義兼訓物岐州刺史梁彥光操履平直識用凝遠廉慎之譽聞於天下三載之後自當遷陟恐其匱乏且宜旌善可賜粟五百斛庶四海之內

凡曰官人慕高山而仰止聞清風而自勵

李晟鳳翔隴西節度兼涇原副元帥唐德宗

周之元老以分陝爲重漢之丞相以憂邊見稱故方  
岳克寧疆場不聳安人保大致理之端今所以重煩  
上臺作鎮西土奉天定難功臣司徒兼中書令充神  
策軍節度鄜坊丹延等州觀察處置等使仍充京畿  
渭北鄜州華州兵馬副元帥上柱國合川郡王李晟  
勵清剛之操體博大之德適時通變而大節不奪虛  
受廣納而獨斷自明奉法以身推功以下衆無犯命

人用樂從懷德畏威令行禁止誓群師於危疑之際  
駐孤軍於板蕩之中氣凌風雲誠動天地一鼓而兇  
徒懾北再駕而都邑廓清師皆如歸人不知戰再安  
社稷功格皇天而明識秉彝清風激俗雅尚恬曠爲  
謙有光朕以汧隴近郊扶風右地川阜連亘抵於回  
中限界諸夷藩屏王室所屬誠重付之元臣兼二將  
之甲兵崇十連之元帥宣威耀武罷警息兵俾予仰  
成時乃丕烈可兼鳳翔尹充鳳翔隴右節度營田觀  
察處置等使仍充鳳翔隴右涇原節度管內諸軍及

四鎮北亭行營兵馬副元帥改封西平郡王功臣本  
官兼官如故

贈太尉段秀實紀功碑序

唐德宗

立人之道曰君與臣爲臣之義曰忠與節忠莫極於  
衛國節莫大於忘身存其誠德貫乎天地致其功用  
施於社稷獨斷勦凶慝之命沉謀安宇宙之危其智  
勇足以拯時其義烈足以弘教非昊穹錫慶敷佑皇  
家重振紀綱再激汙俗何遘屯之會而獲見斯人開  
府儀同三司檢校禮部尚書兼司農卿上柱國張張

郡王段氏名秀實字成功應期降生扶翼唐祚稟陰  
陽之粹氣備剛柔之全德體正明道從時卷舒蓄爲  
淳和發爲功烈朕宅帝位之五載孟冬十月賊臣朱  
泚反天悖人因時多虞乘我無備誘聚叛卒作亂於  
京師朕深惟罪已之誠遠遵避狄之義駕自中禁狩  
於近堦賊陰謀爲奸陽言示順以公嘗任涇帥素得  
士心採諸衆情引以自助公感時悲憤思定大業謂  
復國安人由已不可以顧私謂開物變化在權不可  
以虛死峇匹夫之褊介蘊曠代之宏規內貞其心外

混其跡且控察元惡情狀將因而圖之賊果不疑委  
以心腹遽發凶黨謀襲我師公詭設以詞止之不可  
乃竊取官印假爲兵符急追寇軍不遠而復銷禍紓  
難陰陽若神於時物情危疑忠邪莫辨卒乘未輯軍  
旅未完微公之謀吾幾茂濟旣而密結勇敢誓殲寇  
讐決策尅期中外發應會賊泚召公計事引入閣中  
露其奸情言及僭竊公氣填胸臆植髮衝冠仰天大  
呼帝鑒何昧孰爲臣子而忍是心語未絕音奮笏前  
擊凶徒敗面旣躡而奔左右駭然初未敢動繼者不

至事遂無成逆徒交鋒因而遇害嗟乎天生萬物惟  
人最靈稟元氣之精鍾五行之秀是宜守正居順移  
孝資忠君君臣父子各履於達道同臻於太  
和天乎不融生被狂悖神乎不惠喪我忠貞靜言思  
之輟饋忘寐詳求其理抑有以焉茲朕不明敗德招  
損故列聖垂佑儆戒於予則泚之亂所以懲旣往勗  
將來禮教陵夷風訛俗弊故上帝降鑒聳動於人則  
段公之死所以勵當今傳不朽也訪彼前史稽諸昔  
賢全大節者不必成功建大功者或未立節非節不

可以禪教非功不可以持危義實相須事難並備吉甫以文武翼周室宣王中興絳侯以智謀安劉氏文皇紹立茂功著矣而節未可稱董卓脇國以擅威伍孚刺之而不畏王敦擁衆以稱亂周顛折之而無疑竒節偉矣而功竟不就至若屈伸合變進退知機智以遂其謀勇以決其死功與時並節與名偕依古以還無公儔比貞烈之至通於神明桀鵞聞之而動心仇讐感之而不怨死於義而義著忘其家而家全行路興悲懦夫增氣矧予之慟其可弭忘且人之所重

某縣城隍之神

一歷代忠臣烈士並依當時初封名爵稱之

一天下神祠無功於民不應祀典者卽係淫祀有司毋得致祭於戲明則有禮樂幽則有鬼神其理旣同其分當正故茲詔示咸使聞知

祭西嶽華山西鎮吳山文

明太祖

維神磅礴西土爲是方之嶽鎮古者帝王必知神有所司故載在祀典爲民祈福今予統中國兼撫四夷前者爲利罕腦兒伯顏密邇中國屢撫不服告神用

討已行絕滅自陝西迤北民無兵禍之憂但方今河州東南西南吐蕃川藏等洮州三副使穎素子雖以子入侍於心將欲抗拒朕心有所不安特告神知命將率兵前行進討惟神鑒之

御祭西鎮吳山文誥

順治十八年八月十九日祭曰惟

神毓秀五峯建維三輔瞻岐帶渭育物福民朕誕膺天命祇荷神庥特遣專官用申殷薦惟神鑒焉

康熙六年八月十七日祭曰惟

者身也國之所重者位也公能殺身殉國朕得不以重位報之哉乃詔有司冊贈太尉諡曰忠烈賜實封五百戶莊宅各一所嗣子授三品正員官諸子各授五品正員官表其閭里護其喪葬官立祠宇史載忠勲哀榮之典備矣君臣之義極矣公始以天寶四載奮筆從戎才爲時生官由才達得司馬戰陳之法參將軍帷幄之籌累典方州更踐臺寺出擁旄節入爲卿士位歷十七歲踰三紀封王列於異姓開府比於台司參職六官食賦百室言不伐善慮常下人恒持



順信之規罔居疑悔之地利刃在手投節皆虛貞松  
有心老而彌勁吞大慙於方寸之內安危疑於晷刻  
之間力可屈而志不可遷身可殺而志不可奪所謂  
有始有卒爲臣之極致者歟日月有期宅兆云畢身  
歿功在凜然如山勒銘傳芳終古不滅以志吾過且  
旌善人銘曰浩浩上天四序唯均氣或埋鬱過爲災  
氛否不可終必復元亨洗以膏雨播之祥雲濟濟蒸  
人五常是則時或屯難乃生凶慝亂必有定允歸皇  
極拯以茂勲輔之明德勲德克崇茲惟段公實天降

靈寧保朕躬日月蔽虧宇宙昏蒙罔然明誠獨誓深  
忠豺狼爲羣狎狎逞惡咆哮奔突乘我未備公飛尺  
符橫制醜類變化若神邦家不墜元惡大慙誘奸作  
狂竊器僭名反易天常公獨挺身奮擊暴強烈烈英  
武歿而彌彰義振名教功存社稷贈極上台賞延真  
食省咎祇畏懷賢惻惻刻銘豐碑昭示萬國

答鳳翔節度使崔珙手詔

大中初

唐宣宗

省所奏當府周公祠舊有泉水枯竭十一月中因風  
泉水五處一時湧出又有七處見出並畫圖進上事

具悉朕聞致理之代地出醴泉蓋以澤可濟時德推  
上善徵諸傳記最爲休祥朕以虛庸敢膺元貺披圖  
見瑞省表增慚豈惟菲德致之亦卿循良所感臨軒  
嘉嘆至於再三今賜名潤德泉想宜知悉

授崔珙鳳翔節度使制

唐宣宗

門下乃眷岐陽襟汧擁漢古稱右輔以扶助王圻今  
爲別京以屏翰戎落再煩元老往撫舊邦實資經國  
之謀尚副安邊之寄守太子少保崔珙稟粹嶽靈挺  
生國戚門容駟馬族盛八龍胸襟洞開智畧輻赴早

以茂業踐於台衡宣力致君有犯無隱符叔敖之喜  
愠同伯玉之卷懷洎服休天朝保釐洛邑誠明之道  
華皓不踰能全素履之真雅得大臣之體方叔之猷  
克壯師尹之望攸歸朕以保塞禦戎深圖良算餽軍  
艱食常在勞懷於是渴王商之儀形佇營平之籌畫  
伏蒲之奏前席忘疲旣符容嶽之求宜舉齋壇之典  
自闡以外爾實專之斷以宏才庶集吾事勉敷恩信  
務洽華夷且慰恩思善圖政柄峻槐之禮命寵茅社  
之侯封服我徽章敬茲有土

李茂貞封岐王加尚書令制

唐昭宗

門下夫天有星辰爲之綱所以保乎乾健地有山嶽  
 爲之鎖所以定乎坤柔故王者話夾輔之臣資股肱  
 之任安危所係動靜是憑其在周也則姬公盡心於  
 經營其在漢也則絳侯竭力於匡贊惟天所相何代  
 無才厥生英賢爲我柱石拯茲艱運樹彼洪勳欲示  
 褒旌爰加徽數具官某三光結粹一氣融精合鸞鳳  
 之正音動諧律呂有麒麟之逸足迥出塵埃抱鐵石  
 於寸心棲雪霜於勁節倜儻恢廓深沉溫雅允爲王

國之植實稟生人之秀自岐陽振跡隴右成功乳

周翰之間鸚立漢壇之上弓鳴霹靂劍躍蜿蜒指揮

而川陸可回叱咤而風雲立變一居右輔累復皇都

殊庸已煥於旂常嘉頌早傳於金石昨妖興肘腋豐

和宮闈而能憤激衷腸密施籌畫致禁軍之貔武戮

當路之豺狼安宗社於綴旒復乘輿如反掌人祇共

慶華夏同歡旣而仗瑞節以來朝秉桓圭而展敬靜

與之語簡而有常動叶生知克符中道披肝露膽皆

本於至誠言發涕零必期於盡瘁感通天地激動人

臣得不嘉乃奇功申茲異渥表爾優崇南省統率六宗尊大西郊封超五等在常時而難舉非盛烈而莫當傑立群倫光流萬代勉膺朝獎敬答天休可守尚書令兼侍中仍封岐王餘官勲並如故

勅定西鎮吳山詔

洪武三年

為治之道必本於禮考諸祀典知五嶽五鎮四海四瀆之封自唐世崇名美號歷代有加在朕思之則有不然夫嶽鎮海瀆皆高山廣水自天地開闢以至於今英靈之氣萃而為神必皆受命於

乾隆二十七年三月祭曰惟

神沂隴揚靈岐雍挺秀比輝光於二華表屹峙於三秦功著蓐收西極驗柔懷之遠位臨少昊金方昭瑞應之呈茲以

慈闈萬壽懋舉鴻儀敬晉

徽稱神人慶洽仰靈祇於巨鎮敬薦馨香揚淑問於流沙肅申殷薦尚其鑒格歆此苾芬

進周公祠靈泉圖奏狀

唐崔珙

當府岐山縣鳳棲鄉周公祠舊有泉水枯竭多年去

冬十一月十七日忽因大風其泉五處一時湧出深一尺已來又有七處見出臣差府參軍郭鏘專就泉所檢驗得狀謹具泉水面方圓深淺分寸五處大泉水面各方圓四尺已下各深一尺已來七處小泉水面各方圓一尺已下各深三寸已來右臣得縣鎮狀報有此靈泉差官勘覆事皆詣實詢諸故老博訪里閭咸稱此泉出必時泰歲豐者臣伏以周公聖人爰正禮樂勤勞周室克佐成王載在詩書揚於風雅宜乎神用不測澤流無窮伏惟陛下叶德坤乾侔功造

上帝幽微莫測豈國家封號所可加瀆禮不經莫此爲甚至如忠臣烈士雖可加以封號亦惟當時爲宜夫禮所以明神人正名分不可以僭差今命依古凡嶽鎮海瀆並去其前代所封名號止以山水本名稱其神郡縣城隍神號一體改正歷代忠臣烈士亦依當時初封以爲實號後世溢美之稱皆與革去其孔子善明先王之要道爲天下師以濟後世非有功於一方一時者可比所有封爵宜仍其舊庶幾祀神之際名正言順於理爲當用稱朕以禮祀神之意所有定到

各各神號開列於後

一五嶽稱東嶽泰山之神南嶽衡山之神中嶽嵩山之  
神西嶽華山之神北嶽恒山之神

一五鎮稱東鎮沂山之神南鎮會稽山之神中鎮霍山  
之神西鎮吳山之神北鎮醫無閭山之神

一四海稱東海之神南海之神西海之神北海之神

一四瀆稱東瀆大淮之神南瀆大江之神西瀆大河之  
神北瀆大濟之神

一各處府州縣城隍稱某府城隍之神某州城隍之神

某縣城隍之神

一歷代忠臣烈士並依當時初封名爵稱之

一天下神祠無功於民不應祀典者卽係淫祀有司毋  
得致祭於戲明則有禮樂幽則有鬼神其理旣同其  
分當正故茲詔示咸使聞知

祭西嶽華山西鎮吳山文

明太祖

維神磅礴西土爲是方之嶽鎮古者帝王必知神有  
所司故載在祀典爲民祈福今予統中國兼撫四夷  
前者爲利罕腦兒伯顏密邇中國屢撫不服告神用

討已行絕滅自陝西迤北民無兵禍之憂但方今河  
州東南西南吐蕃川藏等洮州三副使穎素子雖以  
子入侍於心將欲抗拒朕心有所不安特告神知命  
將率兵前行進討惟神鑒之

祭故遼東經畧袁應泰文

明熹宗

惟爾才優文武性篤忠貞方擁節於營州時急纓冠  
之救迨提師於遼左夙懷稟華之思物論爭其納  
降爾實收斬馘推鋒之用勝氣式彰於創敵誰實釁  
開門延敵之端士潰馬奔勢遂孤於効死登陴蹈火

義無負於殉疆報主力窮遺表不忘君父志竭  
捐軀可泣鬼神加邊酌彼黃流起塚榮其碧葬承茲  
漏澤慰爾幽魂

贈故經畧袁應泰兵部尚書誥 明熹宗

雲雷屯塞光日月者精忠天地風塵壯河山者正氣  
身捐而義不媿力盡而心已安崇爵宜頒幽貞是報  
爾原任經畧遼東兵部右侍郎兼都察院右僉都御  
史袁應泰嶽峙風標淵宏經濟壯志以天下為任不  
避險艱熱心惟王國是圖無辭盤錯惟

三十載蓄憤含毒實重臣誤國家事六七輩護疾  
養癰當而盡撤其防  
迨挑釁

而莫爲之備抑且甘墮其彀中兵民騷動而忍死偷  
生將士彌縫而喜逃懼戰議論日煩而隳任事之氣  
節制不一而分便宜之權以此久散之人心當彼方  
張之勁敵而爾擢自節鉞遂總專征統元蒐七百里  
戎莽之場提赤手十八萬枵腹之衆背城尚收夫三  
捷乘障莫禦其九攻奮臂力起瘡傷嚼齒誓靖烽燧  
至於仰天拜闕從容陳就死之詞閉閣投繯慷慨仗

捐生之義付熱心於烈焰委俠骨於荒臺城亡與亡  
吾畢吾事自古豪傑固難責以成敗於今封疆尤宜  
論其死生爰下殉事之旌特晉中樞之秩茲加贈爾  
爲兵部尚書錫之誥命於戲朕於遼敗重嘆才難叩  
關航海之徒何無一人義士載寶輦金之輩並逃三  
尺嚴刑詎知事雖敗而死殉事尚光在朝廷况乎  
仍歸功社稷爾靈不昧服我褒綸歆哉

進周公祠靈泉圖奏狀

唐崔珙

當府岐山縣鳳棲鄉周公祠舊有泉水枯竭多年去



冬十一月十七日忽因大風其泉五處一時湧出深一尺已來又有七處見出臣差府叅軍郭鏘專就泉所檢驗得狀謹具泉水面方圓深淺分寸五處大泉水面各方圓四尺已下各深一尺已來七處小泉水面各方圓一尺已下各深三寸已來右臣得縣鎮狀報有此靈泉差官勘覆事皆詣實詢諸故老博訪里閭咸稱此泉出必時泰歲豐者臣伏以周公聖人爰正禮樂勤勞周室克佐成王載在詩書揚於風雅宜乎神思不測澤流無窮伏惟陛下叶德坤乾侔功造化節宣四序綏懷萬方由是地理呈祥靈泉感應名標上善運屬和平不然何已涸之泉因風復有此蓋彰於聖德發自神功事出尋常義高圖籙豈特撓之不濁乃鑿妍媸積以成川方勞舟楫也臣才非周召時偶成康荷恩渥而莫效涓塵覩休徵而空增喜躍謹具奏聞伏請宣付史官以光典冊具圖一面謹隨狀奏進謹錄奏聞

十二月八日賜名潤德泉

乞封太白山神狀

代太守宋選奏

宋蘓軾

伏見當府郿縣太白山雄鎮一方載見祀典按唐天

寶八年詔封山神爲神應公迨至皇朝始改封侯而  
加以濟民之號府界自去歲九月不雨徂冬及春農  
民拱手以待饑饉粒食將絕盜賊且興臣採之道塗  
得於父老咸謂此山舊有湫水試加禱請必獲響應  
尋令擇日齋戒差官蒞取臣與百姓數千人待於郊  
外風色慘變從東南來隆隆獵獵若有驅導旣至之  
日陰威凜然油雲蔚興始如車蓋旣日不散遂彌四  
方化爲大雨罔不周沃破驕陽於鼎盛起二麥於垂  
枯鬼神雖幽報答甚著臣竊以爲功效至大封爵未  
充使其昔公而今侯是爲自我而左降揆以人意殊  
爲不安且此山崇高足亞五嶽若賜公爵尚虛王稱  
校其有功實未爲過伏乞朝廷更下所司詳酌可否  
特賜指揮伏候勅旨

薦張載奏狀

宋呂大防

伏見本州路鳳翔府寄居著作佐郎前崇文院校書  
郎張載學術精深性姿方毅昨因得告尋醫未蒙朝  
廷召命義難自進老於田間衆所共惜臣未敢別乞  
朝廷任使欲望聖慈且令召還書館舊職有不如臣

重刊鳳翔府志 卷之十一  
所舉甘罔上不忠之罪

乞追贈橫渠先生疏

宋秦鳳路提點張舜民

臣伏覩鳳翔府橫渠鎮居住故崇文院校書張載學  
際天人誠動金石義之所在白刃可蹈心有不厭萬  
鍾何加口如不能言體若不勝衣議論感激凜如秋  
霜雖萬軍之將不足言其勇也平居與人言退然若  
不知讀書者坐而講貫剖判是非談辨如流雖滔滔  
江漢不足方其廣也著書萬言名爲正蒙陰陽變化  
之端仁義道德之理死生性命之分治亂國家之經

罔不究通方之前人其孟軻楊雄之流乎如荀况輩  
不足望於載也關中學者靡然就之謂之橫渠先生  
一登其門言行皆知孝悌仁義有如夙成雖去載千  
里之遠十年之久不敢一蹈非義常若載之臨其前  
後左右也自此西土學者洒然知先聖賢之學乃知  
鄉者誦說之富組織之文特小道爾在熙寧中累薦  
朝廷召至闕下授以崇文院校書未幾以疾辭歸熙  
寧末年再至闕下神宗方將任用使行其所言其疾  
再作謁告西歸死於道路當時議者以謂載身逢明

天子緣飭禮文修明治具之時再至朝廷竟不能伸  
其一言以終此載之短薄則不幸也有士如此當年  
不能興舉舉於老疾垂死之時治國者亦不得無慊  
然於心也載之死於今十有五年中外臣僚猶錄其  
平生以言於朝廷者畧以十數或乞賜田或錄其子  
或乞降謚然天聽高邈未蒙響答今載止有一妻一  
子衣食不足寄託親友日來月往人情憤煩饑寒之  
憂其勢甚迫若不上告朝廷何所赴愬且君子平日  
修身謹行固不爲其身之與子孫也朝廷褒賢錄善  
豈特爲其賢者之後乎如孟軻荀卿楊雄於今千有  
餘年學者徒能讀誦其書而已至於禮貌寂寥孰肯  
來括本朝一旦列之封爵血食廟堂使後世觀之賢  
於孟軻荀卿楊雄乎賢於本朝乎故知臣今日之言  
非爲載也伏乞朝廷檢會累次臣僚奏陳於錄子賜  
田追諡三者之間凡可以厚載者舉一而足庶使褒  
賢之典獨見於本朝爲善之風不墜於今日

諫萬歲山架棕棚疏

明虎 臣

臣蒙國恩叨列成均不自揣量累犯聖顏救旱一疏

已蒙俞允朝市一疏今尚留中幸免誅夷榮遭非望  
臣誓以再生之軀圖報陛下犬馬微忱爲日久矣邇  
見萬歲山起架棕棚爲備聖眺都下人心驚恐非憚  
土木之勞也意謂棕棚旣成則五都之貨四廛之物  
帝城之士女繁華皆入聖覽之中一旦廣侈萌心流  
禍不小卽聖衷萬萬無此而都人防漸之論充斥道  
路臣爲此懼而未敢卽言者待臺諫之公論也今臺  
諫不言而內閣坐論之暇又不及此臣若惜此殘年  
不以上聞是國家虛設辟雍以養士士亦虛糜俸廩

以誤國也敢冒死上言臣聞神堯土階大禹卑宮載  
之史冊永光萬禩卽如漢文宋仁不過守文中主然  
露臺惜十家之產中夜忍一羊之費至今竹帛侈爲  
美談工瞽歌爲盛事伊訓曰慎乃儉德蓋儉之一字  
德之所由聚而慎之一字又儉之所由本也故峻宇  
雕牆哲王所以戒後也瓊宮瑤室彼昏所以不知也  
阿房禍秦離宮亂隋豈非千秋殷鑒哉陛下天授聰  
明跨凌前代臣雖一介書生區區瞻雲就日之誠竊  
欲纘皇帝王已邁之遐軌洗漢唐宋不純之陋習不

意無故之興作乃自陛下行之聖意固曰深居大內  
登眺未擴萬幾休暇信茲小娛臣卽充陛下登眺之  
心而動陛下以登眺之事自有所以娛心志悅耳目  
者何必棕棚夫郊天大仁也試一按時舉之此時濟  
濟衣冠煌煌禮典駿奔執事對越一人臣愚謂可登  
眺者一也祀祖大孝也試一至期奉之此時獻璧陳  
牲仰懷俯几鐘虞增輝公侯起色臣愚謂可登眺者  
二也釋奠所以崇先師也試爲之嵇其故典此時百  
辟卿士捧觴獻爵回琴點瑟恍在宮牆臣愚謂可登  
眺者三也太學所以育俊秀也試爲之考其德業此  
時充庭譽髦連袂冠裳環橋觀聽化被儒紳臣愚謂  
可登眺者四也大覲所以肅百僚也試爲之課其殿  
最此時五瑞雲來百蠻星集風清禁御春滿皇都臣  
愚謂可登眺者五也至如玉階問道金殿傳臚親耕  
藉田按閱軍實及一切接賢士大夫之時按圖史章  
疏之候何事不可備觀眺而必棕棚也且有道之主  
以逸逸人無道之主以樂樂身陛下高步前詰而忍  
勞民動衆供賞心悅目之事竊恐聖心不自以爲安

也卽今地震山崩星隕旱荒無歲不聞言官責之闕  
 監汪直妖僧繼曉臣謂聖心一清此輩何緣而進而  
 清心莫如守儉守儉莫如節費夫以堂堂大國天子  
 豈惜此萬緣一縷之費但以聖明之世直不可有此  
 耳臣思陛下棕棚之舉工部有官守科道有言責臣  
 兩無一焉何敢以狂直上千君父但臣讀聖賢之書  
 生休明之世苟利國家髮膚不恤陛下如念臣言祖  
 宗之靈實照臨之不然卽將臣藁首陛下以爲狂生  
 妄言者之戒臣亦含笑於黃墟矣臣不敢效洛陽年

少痛哭沽名爰具朴忠用瀆天聽

疏入上奇之命官校宣至左順門中

官傳温旨勞之日爾言是也棕棚卽折卸矣命吏部銓選七品官遂授雲南碭嘉縣知縣

石鼓文

甲鼓

音釋 文六十六 十九句

重文十六

共七十六字

避 本音吾讀 作我下同 車既工

讀作政古文 省也擊也

避馬既同避車既

孜 古文 避馬既駟

音阜 駟馬

君子鼎鼎

讀作爰於也 古字通用下

同 避 讀作

鼎 同 旂

當作

鹿鹿速速君子之求絲絲

同 肉 音 弓 弓 茲 以 寺

當作時亦 古又省

避 毆 驪

當作 其時 古文

其來趨趨

讀作亦行聲也

趨趨

大來切今作趨趨

即避御

音即

時鹿鹿趨趨

資昔切

其來大空

音茨大道也

避毆其楮

讀作屬

僕其來趨趨

音獨走兒

射其狷

音豚或作狷

蜀

讀作屬古文省

乙鼓

音釋文六十一句

重文七

共六十八字

汧

音章水名

泛泛

音皮讀作彼古文省下皆同

淖

音潮亦省文

淵

音魚

之君子

淺

古文之

滿滿

漫字又有下

皆魚

音魚

其旂

趙趙

音散走兒

帛

作白魚

同趙氏

讀作底至也

鮮

音邊

又鱗

音邊

即自其胡切

孔庶

之龜

生冀切獸似狸也

汪汪

音越越

其魚佳

可

讀作何亦古省文下並同佳

與似

佳鯉可以橐

之佳楊及柳

丙鼓

音釋文六十九句

重文五

共七十四字

田車孔安

音勒

同馬行也

六帶

師字

既

簡左驂

音良

右

音牽

避

以濟于遠

古文原

避戎止

音車

其寫

音寺

讀作時

麋豕孔庶

音鹿

音兔

又旃

未詳或作

其戎



音奔又 大車出各 讀作汝邑之 亞獸白臭 古文澤字 避執

而勿射 叶音 多庶趨趨 音約 君子迪 音攸又音 乃餘篇同樂

洛音

### 丁鼓

音釋 文六十九 一十八句

重文三

共七十二字

帥辰彼鑾車乘 讀作 敕速真 讀作填亦 如秀弓孔碩

叶音式 彤矢笑笑 音族叶音 四馬其寫六轡沃若徒

駮 舊本未詳 孔庶廓廓 音 騎宣 古文博崗 輶車餽 古文載字

衍 古文道字 如徒如章遙澀 隰同 陰陽趨趨六馬射 音 之矧

音簇叶 又有 貍救朱切 如虎獸鹿如象台 讀作怡樂也亦古省

文 爾多賢迎循禽奉雉避兎允異

### 戊鼓

音釋 文六十六 一十六句

重文三

共六十九字

避來自東霈 音零 雨奔楸 古文流字 逆湧盈盈 息列切水名當作溲

淫君子既參 字 避馬楸汧汧 汧 洩淒番士駕言囟

古西 遘 即歸字 方作舫 舟自廓徒驥 駢 遑遑佳舟以衍

道 或陰或陽極 音楫或 深以戶出于水一方番徒徨

止其奔其敌且 讀作阻亦 其直 乃夷 即事

已鼓

**音釋** 文五十二句

重文三 共五十五字

宣宣猷讀為作亦古乍省文下並同遙即遙字乍周導追省我詞即

字 攸除帥彼辰白音莽或作阪田莽莽居幽切為世里希微微

微音迪乃罟古漆黍即栗柞音棫音域音其拔音櫟音楷音

音庸庸鳴即條樂音亞音箬其琴音可音為所旂音斲音

或作 夔音水音盪音導音音古樹纛同幽音音古文即

庚鼓

**音釋** 文五十九句

重文三 共六十二字

徒御他丹切嘽喘息兒然而師旅真填然會同又如釋

以左戎讀作律章弓矢孔也甚庶衆也滔滔是戴即熾射夫

寫矢具即奪隼字并白音芋讀若刺其徒即肝荀字來或

羣或爻悉率左右燕樂音洛天子來嗣王始振振音珍復

古我來攸所止

辛鼓

**音釋** 文一十三句

重文四 共二十七字

晨走驕驕未詳馬音麋音督音督音參音雉音毘丑畧音立音

多庶微我師氏憲憲文武可如其一之

壬鼓

音釋 文七十四句

重文七 共八十一字

避水既澗

與淨同

避導

道字通

既平避行既止嘉樹鼎

古文

則里天子永受

古文寧字省

日佳

惟

丙申旭日杲杲避其

雱

古旁字

導

乘馬既連

音循

敵

未詳音義

夏康康駕晨四

黃左驂駮駮

音駮駮馬名

右驂駮駮

音速亦馬名

駮

音君兵器也

戟

以奕女

讀作汝

不執惠

德同

旛旛

音翰義同

藜藜

音藜藜亦古省

其旂也

旂

旂

音宜旗動也

公謂大來余及如茲邑周

字讀作曷

何不余及

癸鼓

音釋 文七十八句

重文一 共七十三字

吳人恣

古恰字

逶

與亟同

朝夕慤

慤同

飢

載

囟

古文

勿奄勿伐若而出奇

俗作奇

進獻

即獻字

用特

與歸同

恪

至執執祖告于大祝禘嘗受

古文受字

藁

古文享

致其方

與藝同叶音作亦

寓逢

即中

闕

古文

孔庶鹿鹿遼溼既坦

疆理

讀作蕃盛也

大田不揆

當作

君子可

何

求又謀

又始周爰止于是

詛楚文

周文

又通作秦嗣王敢籀文用告玉宣古宣字璧使其宗

祝邵馨布忠一作告於不顯大沈久讀作湫巫咸本

大神巫咸亞駝本呂古以底底楚王熊相之多臯昔

我先君蘇古穆公及楚成王是讀作繆讀作力同心

兩邦若古壺古壺絆呂古婚紜呂齊盟曰葉

古葉萬子孫母相為不利救古親印古仰大沈久湫

而質焉今楚王熊相康讀作回無道古道淫失讀作

甚讀作亂古多竟從讀作變輸盟刺內之籀

則馮文作不姑巫咸亞駝刑戮孕婦幽刺救古戚

拘圉其叔父宣者諸冥室橫棺之中外之剽冒改久

心不畏古畏皇天上帝及大沈久湫之光剽威神

而兼倍十八世之盟詛率者諸侯之兵呂臨加我

欲剗伐我社稷伐威我百牧姓求蔑古法皇天上

帝及大沈久湫之卹祠圭玉犧牲取我邊城新

皇及郝長救不設曰可今又悉興其無張矜忒府

巫咸本作意怒飾甲盛師以偪倍邊竟境讀作將欲復

其躡躡唯是秦邦之羸衆敝賤鞞讀作鞞棧輿禮

使介老將去之以自救古也亦應古受皇天上

帝及大沈久湫之幾靈德賜声

古克劑巫咸本作楚

師且復畧我邊城設數楚王之倍盟犯詛箸著石章

### 呂盟大神之威靈

按詛楚文有三宋人初得告巫咸文於鳳翔祈年觀下次得告大沈久湫文於渭最後得告亞駝文於洛其詞畧同而道里參差無可徵信又歐陽公考成王十八世為頃襄王後儒多宗其說今不能盡載姑依通志存告久湫文原本以為嗜古之一助云

### 橫渠張子行狀

宋呂大臨

先生諱載字子厚世大梁人曾祖某生唐末歷五代不仕以子貴贈禮部侍郎祖復仕真宗朝為給事中

集賢院學士贈司空父迪仕仁宗朝終於殿中丞知

涪州事贈尚書都官郎中涪州卒於西官諸孤皆幼

不克歸僑寓於鳳翔郿縣橫渠鎮之南大振谷口因

徙而家焉先生嘉祐二年登進士第始仕郿州司法

叅軍遷丹州雲巖縣令又遷著作佐郎簽書渭州判

官公事熙寧二年冬被召入對除崇文院校書明年

移疾十年春復召還館同知太常禮院是年冬謁告

西歸十有二月乙亥行次臨潼卒於館舍享年五十

有八是月以其喪歸殯於家卜以元豐元年八月癸

西葬於涪州墓南之兆先生娶南陽郭氏有子曰因  
 尚幼先生始就外傳志氣不羣知虔奉父命守不可  
 奪涪州器之少孤自立無所不學與邠人焦寅遊寅  
 喜談兵先生悅其言當康定用兵時年十八慨然以  
 功名自許上書謁范文正公公一見知其遠器欲成  
 就之乃責之曰儒者自有名教何事於兵因勸讀中  
 庸先生讀其書雖愛之猶未以為足也於是又訪諸  
 釋老之書累年盡究其說無所得反而求之六經嘉  
 祐初見洛陽程伯淳正叔昆弟於京師共語道學之

要先生渙然自信曰吾道自足何事旁求乃盡棄異  
 學淳如也間起從仕日益久學益明方未第時文潞  
 公以故相判長安聞先生名行之美聘以束帛延之  
 學宮異其禮際士子矜式焉其在雲巖政事大抵以  
 敦本善俗為先每以月吉具酒食召鄉人高年會於  
 縣庭親為勸酬使人知養老事長之義因問民疾苦  
 及告所以訓戒子弟之意有所教告常患文檄之出  
 不能盡達於民每召鄉長於庭諄諄口喻使往告其  
 里間間有民因事至庭或行遇於道必問某時命某

告某事聞否聞卽已否則罪其受命者故一言之出雖愚夫孺子無不預聞知京兆王公樂道嘗延致郡學先生多教人以德從容語學者曰孰能少置意科舉相從於堯舜之域否學者聞法語亦多有從之者在渭渭帥蔡公子正特所尊禮軍府之政小大咨之先生夙夜從事所以贊助之力爲多北塞之民常苦乏食而貸於官帑不能足又屬霜早先生力言於府取軍儲數十萬以救之又言戍兵徒往來不可爲用不若損數以募士人爲便上嗣位之二年登用大臣

思有變更御史中丞呂晦叔薦先生於朝曰張載學有本原西方之學者皆宗之可以召對訪問上卽命召旣入見上問治道皆以漸復三代爲對上悅之曰卿宜日見二府議事朕且將大用卿先生謝曰臣自外官赴召未測朝廷新政所安願徐觀旬月繼有所獻上然之他日見執政執政嘗語曰新政之更懼不能任事求助於子何如先生對曰朝廷將大有爲天下之士願與下風若與人爲善則孰敢不盡如教玉人追琢則人亦故有不能執政默然所語多不合寢

不悅既命校書崇文先生辭未得謝復命案獄浙東  
或有爲之言曰張戡以道德進不宜使之治獄執政  
曰淑問如臯陶猶且獻囚此庸何傷獄成還朝會弟  
天祺以言得罪先生益不安乃謁告西歸居於橫渠  
故居遂移疾不起橫渠至僻陋有田數百畝以供歲  
計約而能足人不堪其憂而先生處之益安終日危  
坐一室左右簡編俯而讀仰而思有得則識之或中  
夜起坐取燭以書其志道精思未始須臾息亦未嘗  
須臾忘也學者有問多告以知禮成性變化氣質之

道學必如聖人而後已聞者莫不動心有進又以爲  
教之必能養之然後信故雖貧不能自給苟門人之  
無貲者雖糲蔬亦共之其自得之者窮神化一天人  
立大本斥異學自孟子以來未之有也謂門人曰吾  
學既得於心則修其辭命辭無差然後斷事斷事無  
失吾乃沛然精義入神者豫而已矣近世喪祭無法  
喪惟致隆三年自期以下未始有衰麻之變祭先之  
禮一用流俗節序燕褻不嚴先生遭期功之喪始制  
喪服輕重如禮家祭始行四時之薦曲盡誠潔聞者



始或疑笑終乃信而從之一變從古者甚衆皆先生  
倡之先生氣質剛毅德盛貌嚴然與人居久而益親  
其治家接物大要正己以感人未之信反躬自治  
不以語人雖有未諭安行而無悔故識與不識聞風  
而畏非其義也不敢以一毫及之其家童子必使灑  
掃應對給侍長者女子之未嫁者必使親祭祀納酒  
漿皆所以養遜弟就成德嘗曰事親奉祭豈可使入  
爲之聞人之善喜見顏色答問學者雖多不倦有不  
能者未嘗不開其端其所至必訪人才有可語者必  
叮嚀以誨之惟恐其成就之晚歲適大歉至人相食  
家人惡米不鑿將舂之先生亟止之曰饑孳盈野雖  
蔬食且自愧又安忍有擇乎甚或咨嗟對案不食者  
數四熙寧九年秋先生感異夢忽以書屬門人乃集  
所立言謂之正蒙出示門人曰此書予歷年致思之  
所得其言殆與前聖合大要發端示人而已其觸類  
廣之則吾將有待於學者正如老木之株枝別固多  
所少者潤澤華葉爾又嘗謂春秋之爲書在古無有  
乃聖人所自作惟孟子爲能知之非理明義精殆未

可學先儒未及此而治之故其說多穿鑿及詩書禮樂之言多不能平易其心以意逆志方且條舉大例考察文理與學者緒正其說先生慨然有意三代之治望道而欲見論治人先務未始不以經界爲急講求法制燦然備具要之可以行於今如有用我者舉而措之爾嘗曰仁政必自經界始貧富無均教養無法雖欲言治皆苟而已世之病難行者未始不以墮奪富人之田爲辭然茲法之行悅之者衆苟處之有術期以數年不刑一人而可復所病者特上未之行爾乃言曰縱不能行之天下猶可驗之一鄉方與學者議古之法共買田一方畫爲數井上不失公家之賦役退以其私正經界分宅里立斂法廣儲蓄興學校成禮俗救災恤患敦本抑末足以推先王之遺法明當今之可行此皆有志未就會秦鳳帥呂公薦之曰張載之學善發聖人之遺意其術畧可措之以復古乞召還舊職訪以治體詔從之先生曰吾是行也不敢以疾辭庶幾有遇焉及至都公卿聞風慕之然未有深知先生者以所欲言嘗試於人多未之信會

有言者欲講行冠婚喪祭之禮詔下禮官禮官安習  
 故常以古今異習為說先生獨以為可行且謂稱不  
 可非儒生博士所宜眾莫能奪然議卒不決郊廟之  
 禮禮官預焉先生見禮不致嚴亟欲正之而眾莫之  
 助先生益不悅會有疾謂告以歸知道之難行欲與  
 門人成其初志不幸告終不卒甚願沒之日惟一甥  
 在側囊中索然明日門人之在長安者繼來奔哭之  
 賻祿始克斂遂奉柩歸殯以葬又卜以三月而葬其  
 治喪禮一用古以終先生之志某惟先生之學之至

備存於書畧各述於謚議矣然欲求文以表其墓必得  
 行事之迹敢次以書

張天祺先生行狀

宋呂大臨

君諱戩字天祺少而莊重有老成之氣不與羣童子  
 狎戲長而好學不喜為雕蟲之辭以從科舉父兄敦  
 迫喻以為貧乃強起就鄉貢既冠登進士第調陝州  
 閩縣主簿移鳳翔普潤縣令改秘書省著作佐郎知  
 陝州靈寶渠州流江懷安軍金堂縣事轉太常博士  
 熙寧二年召為監察御史裏行明年以言事出知江

陵府公安縣改陝州夏縣轉運使舉監鳳翔府司竹  
監秩滿以熙寧九年三月朔旦感暴疾卒享年四十  
有七君歷治六七邑誠心愛人而有術以濟之力行  
不怠所至皆有顯效視民之不得其所若已致之極  
其智力必濟而後已靈寶采稍歲用民力久爲困擾  
至則訪其利害纖悉得之乃計一夫之役采稍若干  
以計其直請命民納直於有司而罷其役止就河壩  
爲塲立價募民采伐以給用言於郡守監司皆不之  
聽後以御史言於朝廷行之竹監歲發旁縣夫伐竹

一月罷君謂無名以使民乃籍隸監園夫以日月課  
伐以足歲計其爲邑養老恤窮皆有籍察惡勸善皆有  
籍鉤考會計密察不苛府吏束手聽命舉莫能欺嘗  
攝令華州蒲城蒲城劇邑民悍使氣不畏法令鬪訟  
寇盜倍蓰他邑異時令長以峻法治之姦愈不勝君  
悉寬條禁有訟至庭必以理敦諭使無犯法民有小  
善悉以籍之月吉以俸錢爲酒食召邑之高年聚於  
縣廡以勞之使其子孫侍因勸以孝弟之道不數月  
邑人化之訟獄爲衰熙寧初上初卽位登用大臣將

大有爲以御史召君君喜以爲千載之遇開見進對未嘗不以堯舜三代之事進於上前惻怛之愛無所遷避其大要啟君心進有德謂及經正本當自朝廷始不先諸此而治其末未見其可也事有不關興衰者人雖以爲可言皆濶畧不辨旣而見新政所更寢異初意邇臣不以德進君爭之不可乃告諸執政執政笑而不答君曰哉之狂易宜其爲公所笑然天下之士笑公爲不少矣章十數上卒不納乃嘆曰茲未可已乎遂謝病不朝居家待罪卒罷言職旣去位未

嘗以諫草示人不說人以無罪天下士大夫聞其風者始則聳然畏之終乃服其厚自公安改知夏縣縣素號多訟君待以至誠反覆教諭不逆不億不行小惠訟者往往叩頭自引不五六月刑省而訟衰未幾靈寶之民遮使者車請曰今夏令張君乃吾昔日之賢令也願使君哀吾民乞張君還舊治使者欣然聽其辭而言於朝去之日遮道送不得行父老曰昔者人以吾邑之人無良喜訟自公來民訟幾希是惟公知吾邑民之不喜訟也言已皆泣下君篤實寬裕儼

然正色雖喜愠不見於容然與人居溫厚之意久而益親終日言未嘗不及於義接人無貴賤疎戚未嘗失色於一人樂道人之善而不及其惡樂進己之德而不事無益之言其清不以能病人其和不以物奪志常鷄鳴而起勉勉矯強任道力行每若不及德大容物沛若有餘自省小有過差必語人曰我知之矣公等察之後此不復爲矣重然諾一言之欺以爲己病少孤不得事親而奉其兄以弟就養無方極其恭愛推而及諸姻族故舊罔不周恤有妹寡居子不克家君爲經其家事別內外之限制財用之節男就傅女有歸誠意懇切不弛其勞人以爲難而自處裕如也有一二故人死不克葬十餘年君惻然不安卽其知識合力聚財乃克襄事其兄載重於世嘗語人曰吾弟德性之美吾有所不如其不自假而勇於不屈在孔門之列宜與子夏後先晚而講學而達又曰吾弟全器也然語道而合乃自今始有弟如此道其無憂乎旣暴病卒載哭失聲如不欲生將葬手疏哀辭納諸壙曰哀哀吾弟而今而後戰兢免夫是日還葬以

從先大夫之兆將求有道者以銘其墓大臨惟君之善有不勝書要其大者蓋其力之厚任天下之重而不辭其氣之強篤行禮義而無倦其忠之盛使死者復生而無憾是宜得善言以傳諸後敢次其狀以請

續親議

國朝丁腹松扶風令

夫婦人道之始婚禮攸嚴兄弟倫常之大存亡不替每有無識敢于亂倫托言不忍絕親而兄亡妻嫂弟亡妻婦豈知公行蔑禮而自絕其弟自絕其兄凡在同宗雖云遠族但有叔姪兄弟之稱不可萌嗣續姻

親之想况夫妻原以遠別同姓不通婚姻承繼必用親枝異姓難亂宗祀考之律例俱應離異歸宗而習俗波靡竟至安之若故泣斯土者先行飭諭繼以明刑法以治小人固非不教而殺禮以服君子尤須先士于民

九成宮東臺山池賦

並序

唐王勃

九成宮東臺地接閑曠面山臨水爾其松峯桂壑紅泉碧磴金石千聲雲霞萬色侍郎張公雅思沉鬱永懷梓匠式侔仙造聿構靈廡纖波成止水之源拳石

儼于霄之狀雖流波覆簣俯籍人機而布葉攢花眇  
同天會僕因暇日濫奉清娛敢抽南畝之才聊叙東  
山之事云爾若夫金臺妙境玉署山居酌丹池之曉  
暇候青禁之宵餘驟冲情於月道飛駿賞於烟墟指  
山楹而思逸懷水鏡而神虛旣而仰瞻赤嶠傍窺黛  
壑複嶂烟迴攢溪霧錯倖所用之兼濟想神宮之可  
作規靈巘於盤龍憲飛泉於桂鶴覆簣而紫巖磴浮  
芥而環川愕採拳石於溪濱擧纖珠於綺薄萍徙楚  
江之帶花轉崑墟之萼岫璵玉而虹驚浦涵珠而星  
落美仁習之同歸信高深之縱託爾其扈岑漏景曲  
渚留寒高松偃鶴清篠鳴鸞被蘭邱而結珮照蓮服  
而披冠激均堂於別淑引膚寸於危巒若乃嶺橫鷄  
秀波連鳳跡花鳥縈紅蘋魚漾碧綠衣元衽頽鱗翠  
額在林藪而同歡望江湖而齊適及夫景沉西嶠月  
下東濱峯深夜久潭靜秋新荷抽水葢薛引山茵雪  
芝獻液露菊傾津嗣南商之逸興有東海之遐賓保  
林泉而肆賞混簪紱而同塵何濯纓之有地如攀桂  
之無因



登吳嶽賦

唐周 鉞

吾嘗文戰將北羈遊極西覩吳嶽之孤峭計羣山之  
莫齊由是邈崖谷遂攀躋入雲靄出沉泥旣臻頂上  
用視天倪鴈塞殊小峨嵋甚低蓋以氣壯神扶雄標  
國祚揖白帝兮不見抱皇城而自固風光擁翠拓開  
霄漢之心岫色橫空鎖斷東來之路巒嶂旁竦岩堯  
上千碧草春含清風夏寒遙瞻魏闕迥立煙巒疑超  
洞府謂在天壇中隱深溪日月之光不到外連層阜  
龍蛇之勢斯蟠當其區宇正寧氛埃初見覽造化之

宏制識乾坤之設險沂水縈盈而線走隴山崩施而  
螺掩西窺劔閣霜地表之千鐔東瞰蓬萊黛波間之  
數點遐徵衆嶽式並隆崇彼皆受封於百代此獨不  
視於三公森筭立以削成寧慚太華黯雲凝而化出  
豈讓維嵩况乎萬仞凌虛千里倒影虎踞華裔鯨吞  
遐境壘巘攢壁迴巖列屏捍絕域以增隘固中原之  
堪永直使以禮賓九有仁服八荒臂賢以爲輔弼宅  
道以爲封疆亦須假我嚴衛憑我巨防靜藩垣於都  
邑遠隔闕於氏羌吾唐重其功崇其鎮爰升成德之

號用補極天之峻小儒是以竟日興感抽毫賦韻登  
詠畢兮嶽岑指長安而後進

駕幸九成宮賦

唐李子卿

皇帝握靈符之三載也天地穆清星日耀潤野訪遺  
逸朝登傑雋化則垂拱而成令則不言而信時巡之  
儀展秋獮之禮順思訪俗而觀人若乘乾而出震右  
輔伊邇離宮在茲前瞻鳴鳳之岫傍指神鷄之祠渭  
水烟波接苑中之洲渚岐山雲物落禁裡之軒墀俄  
而迴鑾輅載羽旗爲宴鎬之樂動橫汾之詞況不勞

於百姓而有務於三時者哉由是叶清秋揀吉日乘  
石洗皇輿出七駟按隊千乘扈蹕戈矛林森士馬比  
櫛始地業而天旋終電馳而飈疾翻然而八駿蹇騰  
霍濩而六龍奔逸雷公轉轂風伯按馭朱旗列而秋  
野生春金甲照而暮川增曙陋漢帝之遊行晒秦皇  
之逸豫祥煙不散近飛槍壘之間瑞草常開併拂車  
宮之處廣陌鳴鑾異彼遊盤訪百年之疾苦知五稼  
之艱難成王之蒐由是問古公之政有以觀翠華來  
兮野老喜屬車至今國人歡詎比夫隴塞回中妄開

行幸之路泰郊時上虛立禮神之壇穆然深宮駢蹕  
 其中樓枕嶺而倒影殿當川而抱虹闕邃而寒暑隔  
 岩堯而雲霧通前視八水傍臨九峻所以明四目達  
 四聰凝睿想播元風比遊心於汗漫伴得道於崑崙  
 亦既下輦於是端冕補闕政修墜典大風之歌作湛  
 露之恩展於是振旅建旄迴鑾返轡百蠻懼威武萬  
 姓知教義若臣者巖穴久服邱園來貢未有燭於皇  
 明竊以觀於人瑞敢獻揚雄之賦庶獲有司之議按地  
業宜作地吸

三良塚賦

序并

唐劉禹錫

魯文公六年秦伯任好卒以子車氏之三子奄息  
 仲行鍼虎為殉皆秦之良也國人哀之為之賦黃  
 鳥君子曰秦穆公之不為盟主也宜哉先王違世  
 猶貽之法而况奪之善人乎是以知秦之不復東  
 征也秋季月吾西遊汧渭出於岐雍之間於古道  
 傍得三良塚心甚哀之涕泗者久之而去詞曰  
 昨宿岐城曉涉渭東霜凌雪結飛沙亂蓬中野躊躇  
 居此古墟野人曰卽車氏之塚方驅駕班如久而咤

曰吾嘗讀舊史矣古者秦氏大於穆公出師則寧東  
夏用賢則霸西戎大邦服其禮小邦畏其雄謀已集  
戰亦武不能勤王不爲盟王者何居以滅天之良喪  
人之特百夫仰系一朝而踏可哀也哉宛其三子遭  
時迤邐主已卽世身皆靡全指冥茫而爲期撫昭世  
而坐捐方惴惴以臨穴且哀哀而號天從有言於寒  
原莽蕩千里迴眺無垠上刺衰德下傷幽魂挂騾隴  
樹脫劍山門掇野芳以爲薦汲行潦而充罇矧今情  
之猶悲諒古恨之潛吞死而不作吾誰與言代事浩

泐人壽爾天言念君子中心悄悄哀生人之長慟赴  
永夕之莫曉歸去來今不可留且悲吟於黃鳥

重修周公廟賦

并序

宋王 嚴

元祐元年春三月皇帝嗣位肆大告以新天下詔  
書之下郡縣者有曰前世聖帝明王忠賢哲義有大  
大功利及物列於祀典其陵寢廟貌廢缺不完者  
悉令葺治所以竭虔妥靈格於上下稽若古訓敦  
厚風俗其意甚美當是之時有司固當增置然制  
度狹陋草率苟完不足以奉承朝廷尊大先古聖

賢之意今陝西轉運使游公元祐六年按行西路  
飭官吏畀財用大爲營建凡一百一十間又因其  
泉流導之者爲吠澮渚之者爲池沼植之者爲園  
林培之者爲亭榭森布槩列落落如畫圖間使人  
喜遊而肆觀焉至其廟貌尊嚴殿廡華煥左右仗  
衛塑畫羅列劍戟森然綵繪光耀竦動耳目而聖  
象巍然居其上髣彿如見當時坐明堂被袞衣抱  
幼君以朝諸侯四方萬里海隅之君奔走俯伏聽  
命莫敢後時制禮作樂七年而致太平以成周家

卜年卜世之久嗚乎盛哉此亦天下之壯觀也惟  
周公盛德大業具見於詩書而法度文物載在周  
禮及其行事之緒餘往往論辨發於史傳諸子百  
家之書仲尼又以其微意於春秋以深究禮法之  
弊此固非淺見謏聞所可道也因拾其已傳之迹  
而係之以賦曰

粵惟有周肇自履帝后稷不窳憂勤積累公劉基理  
釐爾士女太王避敵從者如市躬仁蹈義以追玉季  
文王作則德與民庇小心翼翼天下有二武拯塗炭

重修鳳翔志 卷之十  
昧爽甲子太白授首商紂妲已梯航四海車書一軌  
天作元輔曰旦翊世文王之子武王之弟武疾未瘳  
公告天地植璧秉圭請代以死至忠竭誠則始見於  
金滕受遺託孤則恭承乎玉几爰畀顧命乃攝寶位  
冢宰作誥百官總已於是輔導幼主咎撻伯禽坐明  
堂冠冕旒撫四方朝諸侯吐哺握髮制禮作樂卜世  
三十卜年七百營洛邑均道里設官職列朝士序同  
異封子弟建磐石之固宅維城之利五侯九伯犬牙  
相制揚文武之烈光率祖宗之大締監二代之文物

揭萬世之典禮噫嘻我直如矢我道如砥變生於獨  
惑出於似君子既誠小人乃毀貝錦萋萋箕舌哆侈  
近則成王不知召公弗喜遠則四國橫議曰公不利  
据手瘖口跋胡蹙尾羣輕折軸積毀銷骨青蠅上壁  
黜白爲黑衆口鑠金呀吻利喙鴞無好音車有載鬼  
蠶氣豺目蛟涎虎噬公於是時了不芥蒂是用居東  
以伐作詩以遺不顧小忿斷以大義誅極讒亂表暴  
仁智罪人斯得神告以異大風偃拔開悟主意羣公  
盡弁乃啟金匱曰公勤勞訓我孺稚袞衣告歸天地

薦祉歲則大熟禾則盡起攝政七歲明辟復子啟封  
七百土宇世嗣老於京師備道全美巍巍乎高哉遠  
哉兮宣德音以不瑕曠然不滓豐功盛烈與日月而  
齊光兮烜赫晃耀乎垂千百祀魯侯受命祭以天子  
血食萬世流澤千紀榮華至今歌頌不已漢唐而降  
土木其峙想望風采恍惚夢寐載在祀典廟貌簠簋  
曰岐之陽在水之溪而終南兮俯清渭瞻睟容兮望  
遺址睥睨爽塏兮髮髯英氣殿沉沉兮穹窿神其來  
哉兮昂昂顛顛層垣落日兮古木號風停流澄碧兮

晴影涵空丹楹剝月兮繪壁嘘龍繁雲翳翳兮暑雨  
濛濛遺波餘澤兮幾千百斗濫而爲泉兮滙而爲淵  
醜而爲渠兮需而爲川鍾雲渠雨漑我甫田沃壤萬  
畝沂洄十里契理亂鑑臧否或通或塞或涸或沸守  
令得其人則決不得其人則止歲在闕逢滌闢可歷  
肆勿濇以曼衍極舒徐以逶迤蘭澤勃以滂湃晷澈  
冽其櫛比澗堆埼激霄墜淙魄阿漢泚泚淪湄澣澣  
靡紆涵涵洞洞淪淪泚泚蒼崖我戕兮白石齒齒若  
乃支分派引旁午錯出滌闢闢澆井里浸淫逆折乎

蘭若之圃汗漫溥博乎絃歌之地濡鱗翼於將勦蘓  
根芟於旣殘惟餘閨之所浹無一物而不被至於風  
亭月榭層樓觀閣流珠漱玉清聲爽韻洋洋乎方池  
曲江孤嶼絕島沐浴長養乎春陽而秋艾天波空鱗  
雲山倒影涼颼兮皺輕碧急雨兮斂新霽皓月沉素  
餘霞弄綺鴈落兮修連生魚吹兮圓暈起沙堤兮蓼  
岸花妍兮草媚客有乘范蠡之舟橫桓伊之笛延馳  
影以綸鈞汎淒颼而膾鯉抹毫而吟挈榼而醉不事  
王侯屣棄名利而深入乎煙霞之際以索於形骸之  
外養乎中和之氣此智者之所樂而不可勝記夫是  
之謂周公之水辭曰我思古人兮永想風聲徘徊明  
廷兮瞻仰儀型野人何知兮桂酒芬馨禳除凶災兮  
祈請冥靈歲時豐樂兮吏治不驚奉法循度兮天王  
聖明我思古人兮姬公孔子忽乎其有見兮邈乎其  
不可致如有用我者兮期月而已將以敬天之命垂  
於無窮詣於極治兮請俟周禮

夢遊太白山賦

并序

明康

海

武功人

余歷覽載籍所志古人之辭由屈原宋玉以來不



可勝計而浮靡侈放之辭益托諷寓興者之所共趨上林之後益蕪益漫亡能爾雅志士之所賤也余感風人之義因夢遊太白山歷見奇瑰駭異之狀而作賦雖極假借要皆自喻其迹少有虛謬諛駕凌絕之病示諸同志皆曰可錄

弘治闕逢攝提格終相之月康子夢遊太白與金子可卿乘馬領僕各執糧糗飲餉之物浮漆涓跨郿塢環倬物逾武功去約萬里四望塞蔽恐怖獐突惶惑震厲若將遂爲虎豹之啣有老人者雪髭鶴髮電目

龍顏自西而來若愛若識請以前路則笑而不言少頃復去金子曰若非山川之精耶豈將疑我以迷晦

顧我以虛誼也乃躡以其後則豁然四開巒回徑折

泉下雲散予曰是未可止也夫八紘之廣獨有太白

盤礴崑嶷嶂崎嶇神靈秀明嶂嶺案辟夫是但謂

末麓近壑然未邃也乃與蜿蜒仄石轉附垂藤升矚

巉壁靜嘯絕坪忽萬里之瞬側何溟渤之未窮雜卉

菁葱石泉沸騰嘉樹驟乎九御神風颯乎太絃驟駟

散乎銖粒蛟螭視乎細繩電光恍乎山足雷聲浩乎

廣聽零露凝其在衣松濤悠乎啟聲金子曰快哉遊  
乎夫造物者假我以聖智崇我以令德我弗用觀奈  
此膚景遂直詣而不回何茫迷之勿騁乃爾若神物  
之可憑歷千岩之邃嶺山石儼乎華嵩細流浩乎滄  
溟蓬蒿翳乎峰壑墜葉震乎雷霆老人跨鶴從雲前  
下笑曰異乎子之善勇也夫太白始峰炎暑冰沍萬  
夫之勇亡有敢及况迨於是夫是泉脉應乎坤軸遮  
飾極乎越區天扃邇乎可聲神祇恍乎可呼至循崖  
之前重谷之裏百鳥不宿神獸亦避雖至人亦幾有

入也越此百里西下陰壑復關峻岳則金屋龍棟控  
亢聳搏異花雜乎瓊瑤仙風冷乎清淖靈芝馥乎滿  
郊麒麟馴乎盈郭龍蹇屈於平池鳳翩聯於長漠此  
則上帝之秘區而太白之關鑰也其東百里瑤宮葢  
殿萬戶齊啟蒼光青氛四面周起函丹書於億笈紛  
朱絃於兆徵散靈繭之如斗歷綺縠之竒靡總百綵  
而其存奚瓊桃之如纍此又太乙之宅合賜之宮至  
其南也朱雲陸離丹閣霧霧神桂宿日南極奉塵羽  
翰極乎麗暉珠貝極乎雕飾鵬鸞駕而鳳軒鯨鯢御

而兕履是謂朱明之宮天帝之闕北則至幽號曰元  
府紫微之所宿萬象之所聚玉臺瑩光冰柱炫色珊  
瑚如林水晶四徹雲沆瀣而守默氣鬱森而馳起靈  
龜元龍參錯其下松檜接乎帝閭金碧曳乎泉石異  
八獸以守衢役百神而司臬夫皆五天之至精萬化  
之樞紐能有至者皆必具靈負秘與抱圖膺籙之士  
有天人德者也巳而風柔香墜路豁視空若雙龍  
之負引倏靈宇之就中仙姝麗乎兩間洞簫錯乎萬  
笙浩歌凝乎飛泉朱絃颯乎翠空座列煥乎雲端境  
象委乎穹權環珮鏘乎旖旎禮數儀乎動容予乃攝  
衣升堂長揖就位悟人世之囂紛歡靈扃之皇闕乃  
與金子終身同丈人居之不去

岐山懷古賦

國朝王 穀

岐山令

平居懷古雅慕岐風筮仕服官愴心周道痛兵燹  
之相繼致民社之邱墟萬姓流離一方憔悴荒城  
日落杳絕炊煙破壁風淒永無人跡曩時名勝悉  
成瓦礫之場革代繁華盡委荆榛之藪撫今追昔  
感慨係之登眺興懷泫然泣下淒涼觸目悲楚填

喉爰比賦于興衰實未裁乎工拙云爾

岐繇商祀天作大邦洪惟直父肇此西壤地接梁山  
之脉星分鶉首之鄉甲雍州之膏美鐘柞械之幽芳  
沃董茶於原隰奠弧矢于陰陽由是山呈厥瑞川貢  
其祥天柱巍聳太白鬱蒼泝流分導渭水環襄姬圖  
式廓王業寢昌誕興奕葉篤生文王化行南國澤溥  
西方風淳俗厚士秀民龐頌孔邇而如戴歌既醉以  
不忘近質成于虞芮遠威龍鬯乎戎羌一時人文蔚起  
政教喬煌鹿馴于囿鳳鳴于岡啟白魚之徵兆衍赤

爵之流光遂有諸臣佐命多士思皇股肱締造更輔  
胥匡綿十五王之歷祚垂八百載之靈長休哉化國  
展矣名疆自運會有隆替之異將世代為興廢之場  
降及後季相率孔臧沿為郡縣代有紀綱樹兩京之  
屏翰鎮三輔之金湯矜雄盛者譜豐功于秦漢誇富  
麗者揚嘉業於隋唐或擅六朝之美或推五代之良  
歷宋元而太平屢邁迄明季而綏父丕張迺為述稽  
隆勝允誦吉康上也穆穆下也穰穰家敦絃誦戶溢  
笙簧農服先疇之隴畝士食舊德之衣裳沐風雲者

重修鳳翔府志 卷之十  
輝聯甲第咏櫛比者積滿倉箱于是朱楹分列繡闥  
成行百屢鱗集萬井烟藏貨泉填市筐篚盈廂遂有  
張翠憶駕玄驕披錦毅曳明璫風流梁苑富貴荀香  
詩催金谷花照玉堂鶯啼寶榭燕語雕梁蘭薰瑤鼎  
蓉遶砂牀琴協太和之奏歌傳卜夜之觴極賞心之  
樂事騁快舉於康莊亦有青山寄傲白屋顛印萬軸  
牙籤千帙縹緗芸封鄴駕卷擁曹倉或賭西山別墅  
或開北海幽房或食霞于鶴嶼或煮字于螢囊率彼  
都之懿珩咸結調于琳瑯四壁鼓鐘佐熙時之禮樂

千山花柳映瑞世之文章聿徵休美莫與頡頏不謂  
天收景慶妖隱檣槍萑苻蜂起刁斗塵揚兜鍪馳驟  
羽檄奔忙從此四郊多壘萬姓罹殃東西焰逼南北  
氛狂旣茹荼而飲蓼復寢甲而枕鎗勝國之餘慘遭  
屠毒興朝而後盪創摧傷劫火烈騰兮灰飛城社凶  
梟肆毒兮血染疆場憫餘息之將奄兮時驚焚掠痛  
殘魂之未定兮頻陷鋒芒由是室家淪沒原畝拋荒  
親知零落骨肉參商斷上林之喬梓拆合浦之鴛鴦  
縻人民於燧鎬委陵谷於滄桑是以愁雲結而成陣

重修廟義序  
卷之二  
淚雨注而如汪試向空城凭眺不禁四顧悽惶人踪  
杳絕烟火微茫荆榛塞道瓦礫充牆風摧敗樹月冷  
頽廊饑鳶書伏野雉宵翔鵲夜泣兮青塚烏暮號兮  
白楊鷹隼搏兮署側狐兔穴兮舍傍畫棟烟消莫問  
繁華故址瑤臺冰化誰留歌舞遺坊弔古徵奇山川  
黯淡尋幽選勝草木淒涼膺膺周原想見當年殷盛  
蕭蕭遺孑半成今日逃亡白骨山高僅保離羣鴻雁  
青燐夜遍空嗟墳首牂羊觸目流離誰爲繪鄭監門  
之畫頻年饑饉何從望汲都尉之糧露宿原棲影形

共弔星零籜散魂魄相將林莽昏翳怯度溪煙野月  
村墟滅沒驚看人跡橋霜吁嗟噫嘻舊事旣難問新  
愁莫可當一望破垣埋蔓蘚幾家殘藁絕烝嘗無人  
對月不揮涕到處思鄉皆斷腸痛莫痛兮家破慘莫  
慘兮兵殤可憐革代興亡慨總付西風叫禿鷄重曰  
空城寂寞兮逝水泱泱荒原冷落兮衰草云黃時期  
平定兮風靜牙璋重修樂土兮永慶椒漿

上九成宮頌表

唐王勃

臣聞帝機無朕道洽則時邕靈化不言成功則頌顯

重修鳳翔府志 卷之十  
伏惟陛下體元纂極模神建隧棟梁三氣庭衝六合  
松軒夜驚杳冥姑射之心茅殿晨凝寥廓峒山之駕  
臣霑風太上庇影華胥仰衢室而無階候襄城而有  
地雖望卑平叔空勤景福之詞而文謝子雲願竭甘  
泉之思謹憑天浩輒貢九成宮頌二十四章攀紫墀  
而絕望叫丹闕而累息臣誠惶誠恐謹言

九成宮頌

唐王勃

臣聞在天垂曜璿宮列乾象之墟在地班形珠闕鎮  
坤靈之野洎夫三精駟運卽寒廓而爲宮九聖旋游  
遍洪荒而可宅則有瑤房玉室崑山分大帝之庭金  
屋銀臺滄海濯玄元之宇豈非神明其道騁仙轡於  
無垠浩蕩其居示清都於不宰若夫扇牖六合奔走  
八神占日月而揆山川駕陰陽而法天地非聖人其  
孰能與於此乎至若文開遁甲仇峯成蒼后之躔藥  
奏鈞天峒嶺駐黃軒之駕業融環堵下姑射而尋真  
道濟巖廊望衡山而展事斯則三階遍下唯臨布政  
之鄉六位時乘未觀巡方之館其後兩龍齊驚抗瓊  
闥而同嬉八駿高驥指瑤池而結興殷風不競沙邱

重修鳳翔府志 卷之十  
雄別館之娛秦道無章雲閣狗殊庭之賞於是功虧  
大壯頌闕祁招豐屋則忘危軒繼及遂使來年侯跡  
名山爲縱觀之場並海遵河沃野盡行宮之地皇天  
震怒於上蒼黎眈慟哭於下土其有斟酌千古文明  
一代蒿宮不陋茨山可仰靳成東嶽唐帝復衢室之  
尊用饗西岐天子合鈞臺之運得其道也蓋有存焉  
國家梯霄架極罄域裁基纂高邱白雲之蔭鬱函都  
紫氣之兆震扉旣闢一宇宙而來王聖籙潛躋貳乾  
坤而作帝高祖天旌衮夜立制黃馬而先驅太宗日馭  
晨飛駿綠幡而首出雖立極承祧之業進燭前文而  
重光累洽之符歸功下武陞下飛靈太一踵睿登三  
星虹沓祉電虬發慶丹書碧篆神符煥河洛之文玉  
斗珠衡天骨挺皇王之表用龍捨桐珪而宣化鬯肅  
玉籍而揖宗祧寫萬九天騰景萬里御風雷七曜於  
上博臨之功顯用山川六府而下輔相之宜得元宮  
密運敷造化於靈襟黃屋神凝創經綸於寶笥鳳闈  
宵靜陰靈宣玉闈之華鶴禁朝趨離象峻銅樓之景  
川分帝子控鯤壑而疏源岳動天孫擁熊山而列鎮



其化成也如彼其強幹也如此猶乃停旒正室嚴續  
中軒玉階匪泰金門爲儉佇虹旂於月澗嶽瀆生光  
飛鶴繫於煙阜江湖動色桃溪逸彥塞丹井而歸風  
松磴遺英闢元闕而奉制位兼河海九卿叅巨濟之  
功道合星辰三事鬱經天之象朱轡緝化泣故老於  
中溪墨綬宜風繞春童於上陌王化之基已洽天工  
之代有序建銅儀而測曜象緯齊懸按璿璣而書雲  
徵氛壘舉祥噏十二紫鸞調夏谷之音大禮三千頽  
地應黃鐘之曲蠶功順令業著於青裳蜃磨迎春恩  
周於黛和黃砂靜讞爽鳩興頓足之悲丹石銷寃神  
獬輟推鋒之計詠時和於帝壤動植咸歡歌道泰於  
華封昆蟲自樂星墟列將輝玉節而長驅天策神兵  
下金壇而決勝橫塵赤坂葱山成不戰之郊命綴青  
邱桃野見其亡之兆烟馳火徼勵珠產而移琛雪鷺  
冰洲駕瑤谿而納費乾坤徑復載遵赤縣之封曦望  
環周末出黃圖之域故夫含吐萬物至功也制平八  
表大業也一陰一陽神通也乃文乃武聖圖也用能  
使天不愛寶地不藏珍日月五行風雲四序龍章鳳

彩舄奕於郊墟黃鉉紫玉磊砢於坳圉集風雲於翠  
筵浴甘露於朱英澤馬飛鏢山輿結轍殊徽狎至祥  
書竭東郭之毫累譯同歸朝冊盡南山之竹然後瑤  
壇備物陳帝服而展皇儀后室疇庸登泰山而小天  
下功宏事畢狹廣宙而三遷風舉雲搖歷神都而一  
懋考遺基於汶上稽故典於淹中光總章之瑞紀嗣  
乾封之寶歷大矣哉昇中作曆握四海而爲尊則大  
斯模肇三宮而配永憑太室而高視靈壇八百坐明  
堂而恭已諸侯一萬時旣貞矣襄城辭訪道之遊功  
旣成矣元圃頓尋仙之駕繇是南宮奏議和元禁而  
成章西土謳歌指皇輿而佇眷咸以珍臺覩穆陽靈  
開避暑之宮清序鈞調景福制追涼之殿然則高棟  
深宇威神之宏節也順氣發生巡遊之大功也况乎  
石城金室編輿井鬼之區珠藪瑤池宛在秦函之境  
應雷輶而出豫蒼帝其時而炎馭而思和朱明不遠  
雖塗吟野怵黎元忻望幸之符而屈已從人天子下  
勞謙之詔候離局而從宴尚惕三危清近縣而移鑿  
猶詳再駕以爲三十六所帝劉非舜禹之心四十二

宮全趙異成康之歷詠金臺而夕厲思蒲坂而晨凝  
方奉後天之期俯順觀風之請萬靈禋祀三辰合慶  
姬文考筮容成奏日千旌鳳轉儼鏤象而星陳萬騎  
龍嘶伐靈鼉而曉孕靜帷宮於綠野蕭帳殿於黃街  
奔櫬槍而走陸梁陳浮靈而候明月前驅電竦下列  
缺於騰鞭後乘雷驚起豐隆於驟轂瓊戈晝洒太陽  
疲轉日之鋒玉劍宵翻懸象睹衝星之氣天旋霧散  
岳運川迴林兵護野方臣啓路黃麾紫蓋雜精氣而  
西浮雲動神行背封巒而右指吐霧馳風以臻夫九

成宮禮也爾時峰橫地乳景戴天糜分閭井而圖基  
蔭秦星而耀吐靈墟寶藏代興汗雍之間峻阜長岑  
疊鎮岐梁之域丹溪碧洞吐納虹霓偃栢叢篁騰遷  
雨霧獲秦餘於故北地擬林光訪周舊於遺風山連  
水許前趨劍棧玉壘千尋傍望斗城金墉萬仞架陰  
邱而北走境瞰鄜祠分杏郭而西馳塗交隴坂仙都  
密邇猶連上苑之扃靈宮巋然直透崇岡之曲卽嶠  
基於礎道利在斯干固拱木於虞衡規同匪日彌峰  
跨谷層城萬轉歷險乘危迴廊四柱山祗盡石出微

道而終年風伯羸糧半長途而中宿架千樓而致極  
爛若神扶羅萬戶而窺天巍如化立離堂早照曦日  
籠光於綺寮合殿宵深歸雲納影於重廡珉房砥室  
畫拱相望綠岫紅巖雕櫳間出元熊蚺談俯棟宇而  
危心青鳥歸飛仰靈軒而墜翼轉飛檐於秀嶠上出  
重冥蔭反宇於迴谿下臨無地紅葩紫的垂倒井而  
披文金鎖銀鋪接重肩而炫色儼鉤陳於漢陌秦階  
非虛設陞戟於煙莊仙梯可陟華璫璧散掛明月於  
崇朝密網珠連落奔星於巳曙丹梁發秀彩沓虹文  
皓壁凝鮮光涵蜃氣銅龍對雷接飛泉而瀑流鐵鳳  
連甍素還颺而竚立雖南纏統序北室開榮凜勁氣  
於叢楹起淒鳳於洞穴跋鳥失轡出澗戶而無光金  
兔低輪下山扉而變色陰庭阻夏祝融無竊據之因  
邃屋乘春顛頊是忘歸之策飛廉扣響赴北闕而神  
寒屏翳收津謁南端而股戰蒼蒼八桂白露爲霜落  
落千松元陰昧景金人列陛來危砌而思裘玉女窺  
牕伏層巒而請纘陽秋代駕不凋仙圃之華天地爲  
鑪未解幽陵之凍至若氣清乾步景霽山維栖翠藹

於崇榮列朱霞於複榭瓊枝累道彩綴文槐碧樹周  
阿光搖鏤檻靜簾帷而洞啟穆羽相和肅坻堦而天  
臨纖塵不動宸儀有晬蓬萊與城闕俱榮羣后多歡  
蘿薜共簪裙合賞巖花落砌綴龍辰而成文嶂葉交  
軒拂鸞旗而追影鑪峰轉靄香傳玉几之風石瀨鳴  
湍響入銅壺之水乃有陵陽駕鶴奉丹墀而稱臣子  
晉吟鸞下青蒲而謁帝箕精失耀傳說恭命於東廂  
昂宿低芒庭堅奉職於西序三臺九署雲端極目霓  
裳風髻闕下相尋張良臥疾攀赤松而有地綺季來

朝歌紫芝而忘返若夫功成肝食道濟宵衣漢宮追  
聽覽之餘堯殿得巡來之際霞登月憩光睿幸於彤  
闈玉振金聲藻定文章於翠掖洛陽才子承問盡宣室  
之談蜀郡詞文還奏動甘泉之賦復有軒庭十四出  
桂闥而乘茵永巷三千望椒塗而奉幣翊鸞臺之廣  
晏扈駕砌之仙遊羅綺芳兮四面春環珮鳴兮九重  
暮風閨夕敞攜少女於歌筵月幌宵隴下姮娥於舞  
席元房娛宴雲如辭豹尾之歡紺幄承顏星媛入魚  
鱗之戲若乃屯營櫛比對閭道而斜趨解寺碁分混

文昌而外屬周朝瑞鸞聲參叶律之宮陳寶鳴鷄響  
雜司晨之序名都廣會閭閻萬室帝籙仙垣亭臯千  
里山村野塾家連菌草之園谷飲川居戶有桃符之  
水故夫恩加草樹囿原澤而無私道被翔行苑山川  
而不禁每至旻天戒序高風嘯律虞官獻秋獮之儀  
司馬奉梁騶之典將軍布卒畧元灞而東馳都尉關  
營繞黃山而北睇於是逢蒙列階蚩尤並轂材官發  
射期門走刃杖元麾而直指鸚視千羣奮朱鬣而橫  
行龍驤萬計層旗廣施出宇宙而三驅疊鼓鳴鐘連

雷霆而一呼前旌逐日夸父斷洪河之流後騎超山  
共伯挾崑崙之柱近陵吐焰縟奔電於長鋒藿莽生  
塵隕飛霜於勁鏃合戈鋌而照地猛兕知窮振密網  
而籠天騰龍失據崩林磔石毛羣無挺險之資蔭澤  
風山羽族落垂雲之影長圍躩蹠得駿馬於秦垌大  
輅徜徉載飛熊於渭浦然後還師振旅考事陳功皮  
軒按節牙璋復路視餘生於大野誓廣枝於長嘏腥  
膾於叢辟之墟有蜡於長陽之館命奔蜂而舉醢火  
炤甘泉總輕騎而行庖雲驚上路聲兼萬籥歌鐘空

廣樂之庭禮被三擁玉帛盡塗山之會龍胎鳳卵入  
禹膳而調芳石乳瓊漿委堯樽而湛色恩霑下帛宴  
液仙宮雖大夫思濯鷁之歡而天子可迴鸞之奏然  
後拜釐清廟考德齋宮用元功而不有宅太虛而無  
迹動崇易簡規萬祀而化黃金道貫幽明徵百靈而  
響丹旣得元珠於舜海尚驚水危朗天鏡於堯儀猶  
勤日宴虔恭上帝東朝懸待諫之旌清問下八南面  
聽登聞之鼓則有郊童俟蹕敢讓天師野老排閣唯  
歌帝力風行比屋忠臣收折檻之謀化溢康衢良使

息埋輪之請設神規而動俗庶績其凝握元符而發  
祉殊方合應華胥已泰濟羣生於不死之庭問閭可  
觀致仙歷於無窮之境蕩蕩乎發育萬物而顯諸仁  
洋洋乎包舉六氣而藏諸用均兩儀而得一恥三皇  
而不四者矣臣勃東臯賤節北阜幽姿常叨召見之  
恩驟玷明揚之列書生謁相望闕推輪下客遊梁榮  
叅賜帛終童立志空投函谷之繻馬令同時未給尚  
書之筆雖元機妙鍵已寂兆於忘言而詠德陳功請  
追聲於匪頌其詞曰九門浩蕩三山超忽帝坐金房

仙成玉闕浮丹麗紫栖霞冠月真匠難徵虛談易越  
旋窺鳳紀極睇龍墳曾巢化沒上棟爻分茅宮蔽雨  
松殿來雲猶迷匪陋尚缺斯文道倫明一風遷繼五  
禮讚三宮詩歌百堵黃圖未洽紫庭無輔局促墉垣  
逡巡度矩盛衰環葉冲盈舛驚璿宇夏關瑤局殷樹  
奢窮地絡毒流天步相日逝奔尋雲速仆災延六國  
運逼三川分雄競修禮僭圖全飛爨月徑列廡霞汗  
乾谿賧楚碣石亡燕阿房秦構文軒五里建章漢立  
仙閣萬祀詭代齊徑遠天縱已望夷有豐甘泉不祀

宛郊嗣錄譙鄉警衆蜀跨梁岷吳吞楚夢相宜裁軌  
崇楹累棟雲闕同華泉臺罕共晉圖給否朝風肆極  
霧黷丹圖塵埋紫域皇階不守帝庭無色帳殿相臨  
璣牆間飾南承有宋北洎亡隋功慙戶牖守在城池  
樓船水峴車障山窺吳庭再毀代鼎三移火德三融  
江陽裘旅奄收淮船遂朝吳渚象措驕秦龍舟壞楚  
雄圖乃溢傾宮不處海嶽吳華風雷寫慶剪諸戎首  
光我靈命紫氣雲烝黃星月映轡商爲業遵唐啟聖  
景闕丹繩解抽翠籙格天垂範模神驚躅朱極重光



黃離繼旭道清金鏡時和玉燭徵規鳳闈毓訓鸞闈  
桐宮宿列桂邸霞飛台精變道嶽耀裁幾朝盈振鷺  
境比馴羣武韜弓矢文經步驟爽鳩議獄龍師掌奏  
玉帛華夷提封宇宙譯書歲款祥圖月奏帝功得一  
乾元用九鑲玉天齊塗金社首神京四邑明堂八牖  
燮而可大爲而不有曾官望幸仙封佇悅伺隙披圖  
乘時徙轍赤聊俟駕蒼虬按節月車宵移星闈曉列  
方神護野岳將清塗迴麾嶠路逗躡山樞千靈電警  
萬辟風趨鈞臺有問峒岫無虞五城分秀雙巒抗影

畫棋彌峰雕甍且嶺煙閣夜謐雲房畫靜竹殿棲寒  
松軒祕景紫庭宸御彤闈早闢天子凝旒辟公奉璧  
薜蘿齊致簪裾混迹仙鶴隨輪靈鳧墜鳥風局濬敞  
震廓藻邃玉網星開金鋪月墜山樓獸矯雲臺鳥次  
複郭披丹迴流轉翠仇夷聖宅姑射神心樂翔丹鳳  
使引青禽義壇葉暗禹洞花深沼分瑤水花跨珠林  
順時宣節分戎講將星騎朝飛雲羅夕張寶雞獲社  
非熊入旣駕掩岐蒐禮高秦望鄩庭未遠塗山有戮  
襄野迷軒清都宥穆罕夷乾步徒豐帝屋光總大猷

允歸天祿命官垂訓靈臺韻雅功映寰中頌流天下  
皇圖已泰鴻筆難假帝有力焉惡非能者

岐陽嘉禾頌

明李

葵

鳳翔合

萬歷龍飛歲在壬子鳳產嘉禾一莖四穗觀者如市  
實爲祥瑞上陳直指慶其大有命載邑乘用垂不朽  
鳳翔李令拜手作頌其詞曰粵稽成周農事開國后  
稷肇封播時百穀公劉建邦廩倉是積古公遷居非  
擇而處文王治岐耕者九一武受天命悉付疆宇成  
后踐阼旦輔孺子無逸函風告戒勸苦農殖嘉禾田

峻至喜導迎太和享國長久台曰茲以還降年不永根  
本慮輕稼穡罔知五穀弗貴瑞應亦希皇明啟運誕  
生聖祖發祥淮甸奮跡隴畝柄持太阿祚延三紀藉  
田躬耕賑饑恤苦和氣感召瑞來多兩岐青田作頌寶  
乘識之今皇嗣歷加惠黎元分陝以西疊罹凶荒羸  
轉溝壑壯散四方恭逢督撫提兵捍圉蠻貊率服幸  
邁惠文捐贖煮粥顛連乳哺方岳同心常平置倉道  
府承休節儉是倡岐陽袁氏慶積德門力抗權璫直  
聲振宇灌溉民田澤流中土維茲嘉禾實產彼畝一

莖四穗觀者如堵詢茲黃髮前此罕睹嗟彼珠玉衣  
食弗能悼彼珍竒玩好是供維茲嘉禾利賴無窮實  
堅實好粒我蒸民如京如坻長我王國際此豐亨式  
昭大有洗腆致酒孝養父母賦稅早供酬答聖主黃  
童拍手白髮杖節社飲扶歸共享太平余尹茲土深  
愧不斐作賦揚休以俟君子

瑞麥頌

明劉基

天厭元德九州糜沸羣猶並作黎民惶惶奔走無路  
皇帝提三尺劍奮起草萊指顧之間豪傑景附矛鋒

所向戰克攻取皇帝心知天意之有在爰舉有衆以  
與萬姓請命一征而取荆襄再征而清浙江三征而  
閩海率從四征而席卷全齊五征而定周及梁遂取  
秦晉舉燕趙南交北貊東夷西羌海外之邦莫不望  
風遣使奉朔稱臣拜伏闕廷於是民獲所歸上下神  
祇咸有依託慶雲甘露游奏徵祥帝心謙抑每讓否  
居 年 月陝西寶雞縣進瑞麥一莖五穗者一本  
三穗者三本兩穗者十有餘本蓋自兵興以來秦燕  
晉趙齊梁之間大豪小猾或憑城郭或聚山寨皆假

元爲名分割境土擅兵相攻于是燕晉周秦之地彌  
數千里連歲無雨百穀不生民相殺食且盡今年夏  
四月王師奏捷於蘭州朔漠掃清關隴底定天乃大  
降甘雨滋爲嘉瑞和氣致祥不亦昭哉周頌有曰綏  
萬邦屢豐年天命匪懈傳者謂商之季年比歲旱荒  
武王克紂受命而天下遂獲豐年由今觀之信非誣  
矣漢謠以麥穗兩岐歌太平之美政則是兩岐之麥  
所希有而况於三岐以至五岐者哉頌聲之作弗可  
缺也頌曰神雀赤鳥其羽不可以爲儀紫芝甘露其  
實不可以療饑豈若五穀之爲瑞可以厚民之生豐  
國之資者哉元失其鹿天下共逐擾擾紛紛強食弱  
肉皇天震怒誕命真主肅將天威以靖區宇騎士如  
雲猛將如龍發縱指示悉出帝畏遠定西北民居攸  
奠品物咸殖爰有嘉禾一本五岐布葉萋萋結實離  
離旣濟旣平先百穀成擢穎揚芒金枝翠英溥彼原  
田滂若雲烟望之油油卽之竿竿其種伊何降自穹  
昊其瑞伊何豐年之兆豐年穰穰頌聲洋洋其始自  
今奕世無疆

文王贊

魏曹植

於赫聖德實惟文王三分有二猶服事商化加虞芮  
傍開四方王業克昭武嗣遂光

文王見呂尚贊

北周庾信

言歸養老垂釣西川岸止磻石溪惟小船風雲未感  
意氣怡然有此相望於茲幾年

秦穆公飲盜駿馬贊

庾信

駿馬遇盜秦王不嗔先傾美酒翻畏傷人鄰兵向國  
窮寇侵秦於時大盜還作功臣

王珪贊

唐呂溫

隋氏不君忠賢莫用桐生朝陽有集維鳳拾彼頽厦  
鬱爲新棟路車元袞開國有宋武德之暮羣孽內蠹  
巍巍宋公聳節高步不吐不茹不來不去屹岬中立  
爲天一柱從容而言社稷遂安持式秉純光輔三君  
激濁揚清知人知身其道至廣莫我敢羣其境至大  
不容纖塵雪霜竒空冰壺照人

張橫渠贊

宋朱熹

早悅孫吳晚逃佛老勇撤臬比一變至道精思力踐

妙契疾書訂頑之訓示我廣居

馬援贊

明方孝儒

矯矯馬公惟志之偉志在功名氣不少萎貧堅老壯  
公言則然懷竒蘊樸罕識其賢雲乎鬱鬱雷乎震震  
紫色電聲炎輝斯盡公晦於時爰牧爰蓄颺氛九縣  
顧瞻安之曰述曰囂狼貪豕飽鄙不少留聿求漢道  
來觀眞主應對疏通謂帝大度高祖則同遂委臣質  
遂勅臣節聚米討羌得以蕩越四方底平人懷安娛  
公不旻佚許國以軀滔滔武陵蠶蠶雜種梗化撓邊  
負險恃勇公曰茲役老臣馳驅堅請於行秉節舒舒  
不驚不亟旣安且式試兵臨卿蠻卽推辟扼於壺頭  
匪公之尤天少須假孰測厥猷公雖沒世因則成事  
乃招乃來羣蠻無二云胡巧夫讒言朋興豈不暫翳  
事久則明迄今千載有顯愈赫名徹聽聞功載史冊  
茲纂其詞爲示無極

張子

諸儒  
評

本朝王心敬

橫渠先生氣質剛果學力堅苦前無所依旁無與輔  
超然八孔孟之門而見宗廟之美百官之富嗚呼卓

矣至如西銘大旨淵乎通古大人之學知禮成性粹  
乎會吾夫子之心大化雖未敢遽許而在吾道宗傳  
中弘毅二字自不愧焉

九成宮醴泉銘

唐魏徵

維貞觀六年孟夏之月皇帝避暑乎九成之宮此則  
隋之仁壽宮也冠山抗殿絕壑爲池跨水架楹分巖  
竦闕高閣周建長廊四起棟宇膠葛臺榭參差仰觀  
則遙蒞百尋下臨則崢嶸千仞珠壁交映金碧相輝  
照灼雲霞蔽虧日月觀其移山迴澗窮泰極侈以人

從欲良足深尤至於炎景流金無鬱蒸之氣微風徐  
動有淒清之涼信安體之佳所誠養神之勝地漢之  
甘泉不能尚也皇帝爰在弱冠經營四方逮乎立年  
撫臨億兆始以武功一海內終以文德懷遠人東越  
青邱南踰丹徼皆獻琛奉贄重譯來王西暨輪臺北  
距元闕並地列州縣人充編戶氣淑年和邇安遠肅  
羣生咸遂靈貺畢臻雖藉二儀之功終資一人之慮  
遺身利物櫛風沐雨百姓爲心憂勞成疾回堯肌之  
如腊甚禹足之胼胝針石屢加腠理猶滯爰居京室

每弊炎暑群下請建離宮庶可怡神養性聖上愛一  
夫之力惜十家之產深閉固拒未肯俯從以爲隋氏  
舊宮營於曩代棄之則可惜毀之則重勞事貴因循  
何必改作於是斲雕爲樸損之又損去其太甚葺其  
頽壞雜丹墀以砂礫間粉壁以塗泥玉砌接於土階  
茅茨續於瓊室仰觀壯麗可作鑒於旣往俯察卑儉  
足垂訓於後昆此所謂至人無爲大聖不作彼竭其  
力我享其功者也然昔之池沼咸引谷澗宮城之內  
本乏水源求而無之在乎一物旣非人力所致聖心

懷之不忘粵以四月甲申朔旬有六日巳亥上及中  
宮歷覽臺觀閑步西城之陰躊躇高閣之下俯察厥  
土微覺有潤因而以杖導之有泉隨湧而出乃承以  
石檻引爲一渠其清若鏡味甘如醴南注丹青之右  
東流度於雙闕貫穿青瑣縈帶紫房激揚清波滌蕩  
瑕穢可以導養正性可以激瑩心神鑒映群形潤生  
萬物同湛恩之不竭將元澤之常流匪惟乾象之精  
蓋以坤靈之寶謹按禮緯云王者刑殺當罪賞錫當  
功得禮之宜則醴泉出於闕庭鵠冠子曰聖人之德



上及太清下及太寧中及萬靈則醴泉出瑞應圖曰王者純和飲食不貢獻則醴泉出飲之令人壽東觀漢記曰光武中元元年醴泉出於京師飲之者痼疾皆愈然則神物之來實扶明聖既可蠲茲沉痾又將延彼遐齡是以百辟卿士相趨動色我后固懷撝挹推而弗有雖休勿休不徒聞於往昔以祥爲懼實取驗於當今斯乃上帝元符天子令德豈臣之末學所能丕顯但職在記言屬茲書事不可使國之盛美有遺典策敢陳實錄爰勒斯銘其詞曰

世皇撫運奄壹寰宇千載膺期萬物斯視功高大舜勤深伯禹絕後光前登三邁五握機蹈矩乃聖乃神武克禍亂文懷遠人書契未紀開闢不臣冠冕並襲琛贄咸陳大道無名上德不德元功潛運幾深莫測鑿井而飲耕田而食靡謝天功安知帝力上天之載無臭無聲萬類資始品物流形隨感變質從德效靈介焉如響赫赫明明雜選景福葳蕤繁祉雲氏龍宮龜圖鳳紀日含五色鳥呈三趾頌不輟工筆無停史  
上善降祥上智斯悅流謙潤下潺湲皎潔萍旨醴甘

水凝鏡澈用之日新挹之無竭道隨時泰慶與泉流  
我后夕惕雖休勿休居崇茅宇樂不般遊黃屋非貴  
天下爲憂人玩其華我取其實還純反本代文以質  
居高思墜持滿戒溢念茲在茲永保貞吉

礪溪銘

唐梁蕭

至人無心與道出處處則土木出則雷雨惟殷道絕  
粵有尚父爰宅於幽盤桓草莽天地闔闢陰陽運行  
明極而昏昏極而明遇主水濱謀泰八紘牧野桓桓  
一麾而平惟彼日月得天而光惟彼聖賢得時而彰  
茫茫

棧道銘

宋歐陽詹

秦之坤蜀之艮連高夾深九州之險陰谿窮谷萬仞  
直下奔崖峭壁千里無土且隔岬絕巉巖冥冥三代  
而往蹄足莫越秦雖有心蜀雖有情五萬年間曼不  
相接且秦與蜀人一其性物同所宜可貿遷可親昵  
擘析地脉睽離物理豈造化之意乎天實凝清而成

地實凝濁而形當其凝也如鎔金下鑄騰雲上浮空  
隙有所不周迴翔有所不合澄結既定竅缺生乎其  
中西南有漏天天之竅缺也於斯有茲地地之竅缺  
也上覆下幬含蓄萬靈可通必使之通不通人代其  
工故有爲舟以濟川爲梯以踰山茲地川不可以舟  
山不可以梯粵有智慮以全元造立巨衝而舉追氏  
緹懸纒以下梓人鑿積石以全力梁半空於木棚斜  
根玉壘旁綴青泥截斷岸以虹矯繞翠屏而龍蹠堅  
勁膠固雲橫砥平總庸蜀之通途繞岐雍之康莊都

邑之能步山川之無脛若水決防如鴻嚮陽南之北  
之踵武湯湯躋峩峩以自若臨蒼蒼而不懼繇是贄  
幣以遙達人神以會同稽禮樂之短長量威力之污  
隆可王者王可公者公而相次以風或曰受琢之石  
長存可構之材無窮易剏代壺斯道也未始有終嗚  
呼爲上懷來在乎德爲下昭德在乎義德義否塞則  
石雖存恐不爲琢材雖多恐不爲構想夫往昔有時  
而有有時而無是用惕惕天下蚩蚩稀知聖賢創物  
之意寡明德義固物之道敢陳兩端之要銘諸斯道

之左庶主德義者存令身之所履踵武湯者荷古人  
之攸作銘曰天覆地燾本亦備設大象難全或漏竅  
缺損多益寡聖賢代工彼雖有缺與無缺同維北曰  
秦維南則蜀地缺其間坤維不續斗起斷岸屹爲兩  
區秦人路絕蜀火煙孤天實不通賢斯有造鑽堅剡  
勁無蹊以通若川匪舟若陸匪車緣危轉虛步驟交  
如構雖在功存亦由德項佛劉怒從完以踣隋落我  
營自顛而植地非革勢財不易林培植之致惠怨之  
心勿謂斯道不恒勿謂斯道可久禮不以禮可有而  
無恭不以恭可無而有創之之意如彼固之之理若  
茲彼知不易茲所宜知勒銘道左其同我思

重興岐山文憲王廟碑

有銘

宋游淑

乾道儲精星辰闡其耀坤元孕秀嶽瀆成其形稟其  
精鍾其秀不星辰不嶽瀆化而爲人是爲聖者則憲  
王其人也王德巍巍道恢恢周流乎百行範圍乎衆  
善如其聖如其聖方其爲子篤仁而孝突而弁兮冠  
冕諸子近事武王乃清王室謂天討不得不行大鉞  
一麾則諸侯爭先馘紂矣謂寶命不得不救植璧昭

重修鳳翔府志 卷之十一  
告則王疾翼曰乃瘳矣至其後武考既崩而鼎業未  
安旌搖旆贅王乃慨然爲憂攝政踐祚而治奈何讒  
飄山謗薰天謂弗利孺子而四國流言市虎之疑既  
成東山之征莫返桃蟲肇而集於蓼鷓鷯悲而毀我  
室然忠赤在已不厄不昭天變俄彰朝廷盡弃金滕  
既啟王泣賜還豈歲寒然後知松栢之後彫也至如  
伊贊聖臣也殊勲丕業格於皇天而王與之比肩故  
世稱伊周伊周在嗣君與在社稷亡伊周先亡既周  
既伊變亂潛襄不伊不周姦逆橫流孔子聖人也金

聲玉振集厥大成而王與之齊名故世稱周孔周而  
孔作之述之孔而周王道誕章周孔道行天下文明  
周孔道謝萬古如夜吁大哉之至於斯也子則孝弟  
則悌臣則忠道隆乎一代言楷乎萬世天下之能事  
畢矣聖人之人倫至矣記曰後世雖有作者虞舜弗  
可及矣淑請續其說曰後世雖有人臣文憲弗可及  
矣信夫岐山太王邑周之地也以其故邦爲建王廟  
旁按鳳鳴之崗中穴潤德之泉地幽勢阻萬木森列  
憑高縱觀寸寸古色其神宇之所宜處也往年安定

御史李公守節嘗宰是邑公龍游學海虎守聖門嫉誕說若探湯尊正道比軻愈先是有贍廟田十餘頃久之耕者侵之旣公患之未有以覺舉適有黃冠者私詣上府市斯廟以作道觀行且以榜公聞之大怒曰吾可以并按若屬矣呼黃冠至責曰若敢唐突底柱耶戢更縛冠繫於獄言狀聞府府以聞按察司按察是公下其事令理決之公卽正冠之罪兩褫其榜並贍田一爲改正其具有焉今縣令岐陽侯究心先聖學胸良吏才三輔藹仁化之稱朝廷屬表選之望

矣下車之初悉聞其事乃歎曰王之廟日月也不幸而爲寇所毀日月之蝕也幸兩爲公所復蝕而更明也使他日復有毀之若寇者則縣令之責也縣令之責而不先刻之石終無以爲質也於是錄其本末咸刻諸碑將使膺是責者以李公去邦爲已任以黃冠肆欺爲常誠三軍之帥可奪也去邦之志不可奪八佾之僭可忍也肆欺之罪不可忍斯張侯之心歟遂得新廟貌緝殿廡構三門而隆威嚴建碑亭而萃衆作俾淑鋪辭以垂不朽淑也才微識淺敢辱斯迹伏

顧諟鬼神以空文佞佛老而曲筆較其所取猶無媿  
焉則何敢辭銘曰曲阜舊宅魯王欲毀一聞天音驚  
悸而止文憲廟貌黃冠潛移李公力拯扑而植之莫  
耶指日物不可蝕飛廉決氛復見太極猗歟張侯克  
大芳猷著於貞石何千萬秋凡百爲令勿忘翼聖尚  
監茲文以爲龜鏡毋使廟汚毋容冠欺李公之志張  
侯之規岐山蒼蒼渭流洋洋神宇儼然岐渭之陽

吳嶽廟碑

宋閻仲卿州人

惟汧隴之南極有山曰吳嶽五峯削成屏列環異雲

霞靄映秀氣中出且咸泰與邑西望益都羣阜交立  
形勢多殊噫混元融結之意於茲而拔乎其萃也其  
下東設巖祠古今常享冥符幽贊誠非溢語而又尊  
嶽之號顯諸方志故畧而不述在昔李唐天寶中封  
成德公清泰二年備冊命昇靈應王至今文簡存焉  
洎乎聖朝每歲立秋降服次方嶽之禮以三獻祭之  
仲卿景德四年冬罷太華守奉詔復理於是邦來年  
秋躬詣廟宇躡階之際四顧蕭條殿堂毀摧風雨不  
蔽况人寰之內綽有嘉名水旱之患民所繫賴何斯

陋矣豈弗欽哉歷代相承但因循而已興替之道諒  
偶時焉仲卿敢不潛啟精誠覩縷事狀奏發聞上尋  
乃允俞衆選攝州司馬范秀兼廟令以專掌之及諸  
工雲集月無虛日鑿山就平累土成室惟新制度經  
營倍力數邑供用餘禱方畢自大殿周於廊廡等別  
創一百五十三間無大無小以丹以牒飛甍架空牕  
牖如織至於奇花異草之裁珍禽怪石之類率非舊  
物亦自遠而致蓋規模於金天氏之下館耶而後瞻  
仰之徒俱駭心目聰明之貴不染風埃儼如在之容  
助鴻鈞之化重樓向日與金碧以兼高絲帳疑烟對  
風光而永固足使清風凜然徽音不墜雖陵谷亦云  
變勒貞珉之可觀仲卿遂操觚染翰恭而書之庶知  
來者表一時之事耳

周公廟潤德泉碑

元孔克任

岐山縣西北行十里而遙沿源而入望斷若窮聿瞻  
彼岨疊浪翠湧豁然開朗行爲陂陁古樹巨雲周廟  
有血赤烏袞衣吐握可想降屺稍東而北行六七十  
步直抵其麓有井作亭其上覆以翠瓦傍出八觚井



方四跬厥深倍之歲久以習民用弗淑稽諸故實世  
亂則竭在唐大中初一日風作羣泉湧出守臣珙上  
其事璽書褒嘉錫名潤德嘉祐時蘇軾吏茲土能詠  
其事自是或見或否古老屢占以爲戚喜大元世祖  
卽位十七年天下大定斯泉復通恒出不竭承平未  
百年至正之阨防決波潰黎乃吳經紅抹其額羣衡  
四突所在俱起釜焦不沃寃輻其甑至此極矣平章  
李公思齊師駐是土奮威揚武期耆廓清乃廿又四  
年甲辰春三月有事於廟任實陪以行已事而竣俯

斃興惻秋九月井泉忽見竇溜瀆洒迸若飛玉爲洗  
爲盥交走亭下奔流淙淙鏘若環珮前有竹園流經  
其間經注民田始會於一激爲機輪漑爲膏壤民賴  
其饒野夫來看婦子相語茲泉之出厥兆何繇雖可  
欣也亦可異也李公繼封幽國深惟國家厚恩憤不  
得急清君側以報天子下泉之思千載共愜亦欣且  
異語予以故予爲言曰泉在地中譬若血脉氣和則  
滋液華潤逆則壅底爲病周伯陽甫曰水演而民用  
足陽伏而不能出陰迫而不能升則原塞原塞則川

竭三代之季河洛是矣聖王體信以達順太和薰蒸  
淳鬱磅礴下降上騰滑而若飴滂而爲醴嘉生茂豫  
物不疵癘此順之實也矧天作高山肇開姬祀公且  
以聖制渠澤流罔極聲靈赫濯儼在故官洋洋陟降  
溥博時出必有開也民咸曰休哉是宜刻石以識其  
徵銘曰

紐謐軸旋匪色音兮蒸而降騰澤淫淫兮鬱而壅底  
爲沴禘兮體信達順懽莫謏兮彼岐肇姬氣滂淳兮  
公且有鬼芒以芴兮祠東有井或潤竭兮問諸遺老  
詢故實兮斯泉見否理亂乘兮屯膏發華以類徵兮  
微通元兆厥有憑兮曹閭誰極予汝銘兮

太公廟碑

明郭思恭

繇寶雞東一舍而遠衆峯攢列溪自中出卽所謂磻  
溪周姜太公釣魚處也其山竒秀其水湍駿其地多  
怪石異木於賢者隱幽爲宜溪東北流入渭廟居其  
右廟左有釣石其石根著土甚微細團團而上漸巨  
至頂則平廣可容十數人石上雙窠膝跡顯然蓋當  
時坐而持竿之所也考之載籍呂望唐四岳姜姓之

苗裔也避紂居東海之濱聞文王作興曰盍歸乎來  
吾聞西伯善養老者乃西歸於周釣於渭上西伯將  
獵卜之卜人曰所獲非龍非虜非虎非熊而王者之  
輔也遂出田渭陽至於磻溪見父老釣西伯使問之  
曰叟樂此耶對曰君子樂行其志小人樂共其事吾  
非樂於漁者也西伯謂左右曰得無是乎問其姓名  
同車而歸與論政事大悅之拜司馬望曰王國富民  
伯國富士僅存之國富大夫將亡之國富倉府西伯  
曰吾願富其民於是發倉府賑孤獨以望爲師公之  
功業昭於時名聲垂於後蓋君臣聚會其道合而事  
行也不然老於嶠巖清泚之間亦常人而已由是觀  
之士之窮達特係於遇不遇何如予於公焉見之刻  
石以記

吳嶽祠堂記

唐于公異

唐興元元年十月十六日國之元輔鳳翔隴右涇原  
四鎮北庭兼管內副元帥司徒兼中書令西平郡王  
李公晟有事於吳山之祠虎暢前驅烏隼之旗升降  
林嶺不囂不呼縈雲拊風以居於祠下公遂以神之

所感告於座客公異忝備賓佐管文記之任操觚染翰恭而書之初相國涼公鎮鳳翔也常以中軍委公偉才雄名橫軼倫伍大歷四年屬天降災沴不雨踰時土地方焦大水成陸封內山鎮分官禳祈命公禱於吳山公於是氣肅體虔桂酒瓊筵告神以災沴神饗公之吉蠲明能通幽實在俄頃雲油雨霈霖霖優渥沃瘠膏枯公私必濡既旱且房歲穀大熟遽申報禮人咸異之由是公心有所舉動符冥應招神戶三十人供灑掃之事其後仗王命提偏師救亂於蜀陸

剪戎於印燹曾不踰時發弓反旆繼以叛將擁衆兩河繹騷公鼓行而東且討且援洹水盡敵魏橋制勝兵未及而趙北圍解氣有餘而清苑凱旋壁渭川則殷若長城復皇都則劃如破竹冥符幽贊於是乎在無何優詔拜公上公極人臣之寵且以西門之務委焉公本之禮經山在封內者得崇祀典况吳山德於我乎具以上聞特請褒異詔遣中使孟希价持傘賜神錦袍金帶夫人花冠等焜耀祠宇發揚幽昧山鎮之秩次於方岳矣徵諸故事當開元二十八年詔使

正議大夫內常侍竇元禮賜食致祭至天寶八年哥舒翰拔石堡破番蠻封神爲成德公至德乾元之間累有褒賜加爲天嶽王則神之宣力有自來也人或以公曩之感神駭於視聽公異以爲吳山者含蓄雲雨蟠厚地而柱蒼旻天地之山也李公持顛定傾蕪羣生而戴天子社稷之山也與夫喬嶽巨鎮均功並用盼蠻氣合何其怪哉鐘鼓樂之苾芬薦之人神忻忻旣晝且夕宜矣山之廣袤載於方志畧而不書所述者公之感通與其年月敢學舊史實而無華

禱雨碑記

唐柳宗元

雍州西南界於梁其山曰太白其地恒寒冰雪之積未嘗已也其人以爲神故歲水旱則禱之寒暑乖候則禱之厲疾崇降則禱之咸若有答焉者貞元十二年孟秋旱甚皇帝遇災悼懼分命禱祀至於茲山又詔京兆尹宜飾祠廟遂下令於甸邑邑令裴均臨事有恪革去狹陋恢弘棟宇階室之廣三倍其初翌日大雨黍稷用豐野夫懽譟欽聖信神願垂頌聲刻在金石

萬年宮碑銘序

唐高宗

朕聞金臺遙遙超忽崑閬之間玉闕參差綿邈蓬瀛之際是以周王肆轍唯招既往之僊漢帝遐遊空益將來之弊豈如岐陽峻阜鎮茲京甸疏林光之列館建甘泉之離宮東望翦華千林結影西瞻隴阪派水分流南俯茶原風雲交映北臨石柱川岳朝宗迥迥孤峯秀三襲於霞表斜斜危路環九折於雲心複澗澄陰扇炎風而變冷重巒潛暑韜夏景而凝寒故知五鎮之基空號神州之地三仙之嶺虛傳靈府之都

未若翦石裁宮構飛檐於迥漢騰虛架宇聳紫殿於遙空百仞朱樓月盈虧於青瑛千尋翠閣雲舒卷於丹墀岫綴霞衣點虹梁而散錦巖飛溜帶潛石砌而

缺

冰浮涼氣於彤闈庭留花而雪夏凝清陰於碧沼

池結鏡而冰春泉起花岑沁數峯而吐秀波搖錦石皎兩鏡而騰暉幾片斷雲縈松合蓋數藂幽桂種月分香溟壑棲烟叢千疇而散碧朝原旭日輝四野而舒紅笑樹餘花佢空落影吟風宿鳥響答雙嬌鶯不恨而恒啼蝶無情而起舞朕感懷千古流鑒百王思

欲屏逸收驕怡神遣慮崆峒訪道欽往哲之高風姑  
 射尋真挹前修之微步所以停軒禁籞駐蹕榆川非  
 欲賞恣盤遊途窮輒返加以時侵首夏汎蕩餘春露  
 泣修篁風清邃澗薜蘿雲起藤葛星懸可以陶瑩心  
 靈澄清耳目鏡冰霜則廉潔斯在撫松筠則貞操非  
 遙昔姬后西征猶刊弁石秦皇東指尚勒稽峯况勝  
 地追遊何必華胥之國蕭然物外不假元圖之阿故  
 以叨美千齡騰輝萬古景其前躅爰紀茲地其銘曰  
 靈山作鎮結秀岐陽遠圖石柱迴攄瑤房鸞驕淑氣

花泣韶光樹含冬暖巖留夏霜構宇重巘裁基疊岫

石砌被錦山牕點繡缺小蘭新峯殘蓮舊雪徑累花

冰溪恒畫標途天外聳闕雲端烟霾遠谷霧失鳴湍

缺彤閣潛暑翠幌凝寒憇駕離宮淹留禁苑柳初眉

細潭深鏡遠葢逐雲穿苔隨缺葉冷帷秋缺濃缺晚

泉飛頰腹景鏤巖心霞疎錦薄草密袍深露荷傾玉

風螢散金檐空鵲靜山昏日沉邱壑怡神林篁賞性

千里眺監八州缺鏡玉燭調序薰琴動詠仰則缺山

刊規遠映

重修法門寺塔廟記

唐薛昌序

夫大聖示其不滅證以無生燃慧炬以燭幽泛慈航而拯溺在三千界開八萬門誘捨愛河勸離苦海香山月殿長侍晬容鸞嶺龍宮時聞半偈與消塵劫令出昏衢按後魏誌阿育王役使鬼神於閻浮提造八萬四千塔華夏之中有五秦國岐山得其一焉又按神州三寶通錄華夏有塔一十九所岐陽聖跡復載其中朝觀光相夕觀聖燈究異草之西來驗靈踪之所止供盈香積鑪馥旃檀面太白而于疊雲屏枕清

渭而一條翠帶又文皇遷寢殿而修花塔冀拔羣迷天后闡明堂而俟真身庶康萬彙編於史冊傳以古今粵自有周泊乎大漢至於晉魏爰及齊梁隋文則誓志焚修我唐則累朝迴向莫不歸依聖教恭敬真宗募善行於阿育王結慈緣於金龍子嘉徵迭變靈應無窮或元鶴飛翔不離於紺宇或卿雲搖曳靡捨於金繩分舍利於五十三州增福田於千萬億祀間生芝草頻現雨花真形試火而火不焚因其吳王寶塔居水而水不近彰自薊門禮懺者沉痾自痊瞻虔



者宿殃皆滅金仙入夢白馬戒塗傳經既自於西天  
 演法俄流於東土今則王天潢稟異帝裔承榮立鴻  
 勲於多難之秋彰盛烈於阡危之際徧數歷代曾無  
 兩人增美儲闈傳芳玉牒將中興於十九葉纂大業  
 於三百年竭力邦家推誠君父身先萬旅屢掃欃槍  
 血戰中原兩收宮闕故得諸侯景仰八表風隨朝萬  
 國而無慙伯禹叶五星而不讓高皇惡殺好生泣辜  
 罪已天復元年施相輪塔心椽柱方一條天復十二  
 年以舊寺王寶真大師賜紫沙門中大師遶塔修覆

塔舍二十八間至十三年迄契至誠果諸元感迅雷

驟起大雨中吹沙涌出寶塔化成金像移山拔海未

足稱竒聖力神功咸驚不測天復十四年中及塑四

十二尊賢聖菩薩及畫西天二十缺祖兼題傳法記

及諸功德皆彩繪中內外塑畫功德八龍王天復十

九年至二十年蓋造護藍牆舍四百餘間及甃塔庭

兩廊中天復十九年二十年四月八日遣功德使特

進守左衛上將軍上柱國隴西縣開國伯食邑七百

戶李繼潛僧錄中首座普勝大師賜紫沙門寡辭宣

奉絲言敷傳聖懇兩件施梵夾金剛經一百卷蓋自  
王奉教精勤躬親繕寫不墜祇園之教普傳貝葉之  
文塔前依施十方僧衆受持兼香油蠟燭相繼路岐  
至天復二十年庚辰至壬午歲修塔上層綠琉璃軌  
瓦窮工極麗盡妙罄能斧斤不輟於斯須繩墨無虧  
於分寸法雲廣布佛日高懸不殊兜率天中靡異菩  
提樹下悟其實相了彼真空金像巍峩福護於鳳鳴  
之境神光煜燦照臨於鷄首之郊必使玉歷長新瑤  
圖永煥紹高祖太宗之丕構邁三皇五帝之弘猷王  
子天孫光承運祚大君聖后罔墜花香修寺主安遠  
大師賜紫沙門紹恩戒行圓明精持堅確稟先師之  
遺訓成大國之良因放鶴掌中降龍座下護珠內潔  
世垢莫侵虔奉宸嚴遐禪勝果希傳永永爰刻磷磷  
昌序藝愧彩毫詞非黃絹謬承睿旨俾抒斯文殊匪  
研精難逃荒鄙天佑十九年歲次壬午二月壬子朔  
二十六日丁丑記

喜雨亭記

宋 蘇軾

亭以雨名志喜也古者有喜則以名物示不忘也周

公得禾以名其書漢武得鼎以名其年叔孫勝狄以名其子其喜之大小不齊其示不忘一也余至扶風之明年始治官舍爲亭於堂之北而鑿池其南引流種樹以爲休息之所是歲之春雨麥於岐山之陽其占爲有年旣而彌月不雨民方以爲憂越三月乙卯乃雨甲子又雨民以爲未足丁卯大雨三日乃止官吏相與慶於庭商賈相與歌於市農夫相與怵於野憂者以喜病者以愈而吾亭適成於是舉酒於亭上以屬客而告之曰五日不雨可乎曰五日不雨則無

麥十日不雨可乎曰十日不雨則無禾無麥無禾歲且薦饑獄訟繁興而盜賊滋熾則吾與二三子雖欲優游以樂於此亭其可得耶今天不遺斯民始旱而賜之以雨使吾與二三子得相與優游以樂於此亭者皆雨之賜也其又可忘耶旣以名亭又從而歌之曰使天而雨珠寒者不得以爲襦使天而雨玉饑者不得以爲粟一雨三日伊誰之力民曰太守太守不有歸之天子天子曰不然歸之造物造物不自以爲功歸之太空太空冥冥不可得而名吾以名吾亭

凌虛臺記

宋蘇軾

臺因於南山之下宜若起居飲食與山接也四方之山莫高於終南而都邑之麗山者莫近於扶風以至近求最高其勢必得而太守之居未嘗知有山焉雖非事之所以損益而物理有不當然者此凌虛之所爲築也方其未築也太守陳公杖履逍遙於其下見山之出於林木之上者纍纍如人之旅行於牆外而見其髻也曰是必有異使工鑿其前爲方池以其上築臺出於屋之簷而止然後人之至於其上者恍然

不知臺之高而以爲山之踴躍奮迅而出也公曰是宜名凌虛以告其從事蘇軾而求文以爲記軾復於公曰物之廢興成毀不可得而知也昔者荒草野田霜露之所蒙翳狐虺之所竄伏方是時豈知有凌虛臺耶廢興成毀相尋於無窮則臺之復爲荒草野田皆不可知也嘗試與公登臺而望其東則秦穆之祈年橐泉也其南則漢武之長楊五柞而其北則隋之仁壽唐之九成也計其一時之盛宏傑詭麗堅固而不可動者豈特百倍於臺而已哉然而數世之後欲

求其彷彿而破瓦頽垣無復存者旣已化爲禾黍荆  
棘邱墟壠畝矣而况於此臺歟夫臺猶不足恃以長  
久而况於人事之得喪忽往而忽來者歟而或者欲  
以夸世而自足則過矣蓋世有足恃者而不在于臺  
之存亡也旣已言於公退而爲之記

